

新刻六直經舜儀評訂神山鑑二集卷之九

林星珠樓秘本

江夏明陽宣史徐備述

汝南清真覺姑李理贊


○○張府君悞觸劉根

○○唐公昉真憐八百

伯微奔至崑崙拜謝金母即令往迎公主使知棄富貴而  
入道之易也幼冲因想在京時有一知心門人姓劉名根  
字君安常欲棄世學道何不約以為伴乃往見根根即買  
菱相從幼冲分丹與服行謁紫君各授以至真秘訣曰此  
高元太素內景之法也之居高山後際幼冲中嶽少室上

劉根







新刻六直汪舜儀評訂神仙鑑二集卷之九

林星珠樓秘本

江夏明陽宣史徐衢述

汝南清真覺姑李理贊

○○張府君悞觸劉根

○○唐公昉真憐八百

伯微奔至崑崙拜謝金母即令往迎公主使知棄富貴而入道之易也幼冲因想在京時有一知心門人姓劉名根字君安常欲棄世學道何不約以為伴乃往見根根即買笈相從幼冲分丹與服行謁宋君各授以至真秘訣曰此高元太素內景之法也之居高山後除幼冲中嶽少室上監羣仙皆呼為范監根辭去先入華山遊學見一神人乘

劉根

GR  
335  
H78



高雅

王珍

白鹿來至從王女十餘人根稽首乞示神入曰汝聞秦時  
韓終否根伏地曰聞之神曰即我是也因子虛心好道今  
以玉冊與子在鹿上擲下根仰而接俯而拜神忽不見聞  
視玉冊內皆驅神馭鬼救災治病之法根箴之肘後南游  
吳楚丹熟於羅浮冬夏裸裎不畏寒暑遍身毛長一二寸  
自稱曰毛公結壇於會稽洞庭山左用術濟人以藥治病  
遠近賴之洞庭山有毛公壇有井歲旱不涸壇邊有洞王真宮駐此山三百餘歲有弟子七十二人  
葬慕其名頻使人來請根不往後穎川大疫太守高雅遣  
府掾王珍求除疫之術根曰但於太歲宮上掘地深三尺  
以沙着其中洒沃之則已珍還報府君依言行之疫氣昇



史祈

絕雅餽亟致謝根悉散吳中貧人後張史祈來守潁川門  
之以根爲妖遣史召之欲加刑戮根欣然而至時賓客滿  
座持刀杖繩索而立者數十人根顏不忤旁若無人史祈  
厲聲曰汝有何道術根曰唯唯史祈曰能召鬼乎曰能曰  
能即捉鬼到廳前不爾當戮汝根曰甚易借筆硯書符及  
奏按鎗鎗然作銅鐵聲又有長嘯聲非常清越聞者莫不  
肅然頃臾廳上南壁慈開數又赤衣兵數百人齊刀劍將  
一車直從壞壁中入來壁復如故赤衣便發車上披見下  
有二囚一老翁一老嫗大繩反縛懸頭廳前史祈熟視乃  
已亡父母也史祈驚愕流涕不知所措鬼責曰在生時汝

自取罪矣



建平

李尋

王嘉

董賢

鮑宣

少

官未達不得汝祿養我死汝何為犯罪仙官使我被收累  
父母如此安用子為史祈下墻叩頭向根伏罪受死請赦  
先人根勅兵卒將二囚出南壁即開及去盡壁仍不壞根  
亦不見未幾張守死帝以已郊為建平元年丙辰殿中忽  
大聲如鐘鳴黃門侍郎李尋曰此洪範所謂鐘妖也入君  
不聰為眾所惑空名得進則有聲無形丁未三年以王嘉  
為丞相嘉雖王氏素性剛直戊午四年侍中董賢和柔便  
佞得幸於帝出則駟乘入御左右諫大夫鮑宣上書言  
帝以宣名儒優詔答之宣字子都渤海高城人就桓氏學奇宣清  
苦以女少君妻之裝送甚厚女悉屏去更布衣與宣共挽



冠壽

嘉似申屠

蕭似偃

孔光

鹿車歸里拜姑畢即提甕出汲恭修婦道宣作上計途遇  
一生卒得心疾死有素書一卷銀十餅以一餅為治殯餘  
餘納柩中理之乘其駟馬以去夜宿關內侯家侯出見馬  
驚問宣陳其故侯曰吾兒也迎喪還開柩驗之銀書俱在  
始敬宣誠信以書馬贈之乃薦辟公府已未元壽元年帝  
益封董賢二千戶王嘉封還詔書詔嘉詣廷尉不食嘔血  
死以孔光為丞相光常下車拜賢鮑宣為司隸校尉每責  
光以禮帝以摧辱丞相議當下獄諸生舉幡太學下會千  
人守闕上書竟髡鉗徒之上黨宣遂家焉課子弄孫自樂  
天貞庚申二年帝病不起政事皆決於莽六月帝崩在位六年



平帝

壽二十五 無子太皇太后

即孝元呈后

議迎中山王衍即位

是為時平帝

元始

年九歲莽秉政辛酉春為元始元年南蠻來獻白雉一黑

雉二

莽招南蠻傷為越裳氏來獻

羣臣盛稱莽功德詔賜為安漢公王

戊春黃龍遊於越雋郡江中咸以莽德比周公莽遂密鬼

龔勝

神淫祀大夫龔勝邴漢皆乞骸骨歸南昌尉梅福字自

邴漢

成帝委任王鳳上書極諫不報遂淡於祿位每政暇時至

梅福

南昌西山嶺上養性存真遇天台王子喬相與劇談玄理

臨去謂曰子自有上真為師當敬求之永始間又上書請

收成柄亦不報棄官携家隱於建城山中

後曰復遊於新尉山

淦玉笥探奇玩勝妻袁氏長子勉次子勵季女貞兒配於

袁氏



梅勉

梅勵

貞兒

嚴光

嚴光

一本姓莊避明帝諱改嚴字子陵小字狂奴

祖籍餘姚移居新野南召有

內具石床石硯飛泉時

滴硯上世傳光居處不與世俗為伍高尚其志補因妻

以女福知莽必傾漢作歎曰生為我酷形為我毒身為我

桎梏一朝棄妻子而去先遊五嶺至大庾其上多梅心愛

之居年餘歷九江至會稽居盤門變姓名為吳門市卒後

有人識之遂去

其居處為梅隱菴

遍遊鴈蕩南闌諸山至仙霞山

遇一老人跨青牛自稱空同仙君授以內外丹法北入鷄

籠山

金陵覆舟山之右一名雞鳴

依法修煉三年不成復入剡江西嶺

仍遇仙君自雲中謂曰汝之緣在飛鴻山福未知何所尋

遍東南正欲返遊西北至候官地響山之前溪中小嶼羣



陳生

佛祖傳燈卷九

華藏

鴈棲宿其上見福至皆飛鳴而起福悟曰此飛鴻也遂結  
庵於此安爐起煉山下有善笛者陳生願拜爲徒作伴福  
趺坐守爐三年乃成服之頓覺身輕神旺餘丹寘之壺中  
陳生每竊食梅仙拔劍逐之生逃入嶼中石洞其嶼遇水  
汎時未嘗沉沒因名浮石洞每至風月之夜漁舟泊者聞  
笛聲隱隱自水中起福回壽春憩息龍舒山洞舒城有天  
梅仙洞  
台王君來坐紫微山金庭洞中官吏三百餘人遣招福往  
會慶賀丹成共酌杏花泉而飲玉童拍石而歌王君曰我  
不日將遊戲塵寰交接人事矣梅仙誌之盤桓終日而去  
巢縣金庭山有三  
喬洞仙入手迹福往越東以成丹少許雜和諸藥中普



浮海宮編  
陀羅迦西  
山有菴汗  
在焉故名  
梅岑

玄秀

冬萌

施技病服者輒愈就醫者如市紹興有梅市歲餘回建城家中  
與妻孥相會居數月旁遊華林山頂有一人建築壇場向  
北誠心禮斗福立俟其畢問之其人曰我西王母第九子  
玄秀在此尋度有緣子有道氣何不學之福即拜從日夜  
隨其拜斗朝真一日雲中仙樂紛紛金童玉女捧詔控鸞  
而下可仙更讀詔言東華帝君知子忠貞向道誠篤且老  
君高弟特迎回滄海授職凌霄真人速往無怠福拜詔受  
命與玄秀各乘青鸞投方諸去建寧城東有驂鸞渡大夫逢萌字子慶北  
海人見時事日非慕梅福高蹈欲追其踪元始三年莽殺不  
附已者鮑宣亦與其難萌歎曰三綱絕矣不去禍將及身



挂冠東都門將家屬浮海隱於遼東勞山乙丑夏策命加

孺子嬰

葬九錫臘日葬上椒酒置毒帝飲之而崩宣帝玄孫嬰二

西漢得於嬰失於嬰

新田

丙寅為居攝元年葬稱假皇帝依周書作大誥告諭天下

唐公昉

時漢中郡吏唐公昉

城固人

見誥大笑曰掩耳盜鈴粉飾不

久也遂退隱於家素慕道真切苦不遇明師李八百累欲

變之一旦至其家為傭賃者驅使如意公昉甚愛之八百

乃為病因欲死昉即迎醫合藥費數十萬錢不以為相

憂形於色又轉作惡瘡徧體膿血臭不可近昉為之流涕

八百曰吾瘡須人舐之當可昉乃使三婢又曰婢詆不愈

三婢



公昉妻

以極難事

試其夫婦

全家一心

若是世間

絕無

始初

新葬始  
建國

須君自砥之昉即砥復言無益若得君婦砥之當差昉復

令妻砥之八百曰吾瘡欲差得三十斛美酒浴之遂其酒

着大器中起入浴體如凝脂絕無餘痕乃告曰吾仙人也

子有志故此相試子真可教今當度世使其夫妻及三婦

皆於所浴酒中澡洗即得更少顏色美悅以丹經一卷授

之令入雲臺山作丹丹成服之八百忽至曰此地不可居

棲且深隱蜀中俟漢中興始出遊也公昉遂舉家飛昇元興

有斗山觀自平州聳起一山四面懸絕其上方如斗底薛

蘿松檜景象尤奇下有公昉飲仙酒授宅之迹其基三畝

坑焉戊辰三年葬以威德曰盛即真皇帝位國號新建

元始初葬遣使奉璽書往迎龔勝勝稱病篤使以印綬加



彭城

父老

葬之四皓

薛方

吳美

新葬

天鳳

樊崇

劉茶

其身勝輒推去不語不食積四十日而卒彭城老父年九十餘修道不治名利痛勝以名致字乃獨入哭甚悲既而曰嗟乎薰以香自燒膏以明自銷龍先生竟天天年非吾徒也哭畢趨出眾莫知其誰漢世知名之士如紀遂鄒相唐林唐遵皆仕葬為葬太子禹之四友復以安車迎薛方方謝曰堯舜在上下有巢由葬悅其言乃不强之聞餘不鄉有高士吳美聘之美避鳥程山中有吳美山甲戌改元天鳳葬徭役不息民廢耕桑旱蝗薦至於是並起為盜成寅瑯琊樊崇眾至萬餘皆赤眉侵掠州郡官吏告急葬適以劉茶事散捕餘黨辭連楊雄字子雲成都人其父禹巫山生雄相者謂



△楊雄

雄嘗夢

口生白鳳

又思大進

△嚴遵

△尚長

△一本姓向

△王邑

雄鍾十二峰之秀口吃而沉博家貧嗜酒慕胡安之學然

廬於白鶴山下追想其風一日有老人乘鶴而下稱是胡

安雄遂拜而師之常降廬講究易理三年學成安鶴曰能

達否泰之義實進退之機也子歸成都有卜者嚴君平即

舜時嚴僖當世異人也叩之必有所聞雄謝歸君平名遵

人與唐都洛下閎尚長同師鬼谷唐洛學筭術尚學推命

嚴學下易嚴尚更為交密長字子平朝歌人寓於臺性尚中和好通

老易家貧無資食為人推步好事者每更餽儀苟取自足

而反其餘葬大同馬王邑辟之連年乃至欲薦之於莽固

辭乃止潛隱於家讀易至損益卦喟然歎曰吾已知富不



羅冲

如貧貴不如賤。但未知死何如生耳。君平賣卜於成都。與  
人子言。依于孝。與人弟言。依于順。與人臣言。依于忠。日閱  
數人。得百錢。足以自養。則閉肆垂簾。讀易詳究。老子微旨。  
著道德指歸。行世富人。羅冲下問家事。言其有火災。宜速  
避之。冲依言遷徙貨財於外。其夜果災。冲因酬以車馬衣  
糧。并問何以不仕。君平却之曰。不仕吾病也。非不足也。蓋  
我貨者損我神。生我名者殺我身。且我有餘。而子不足。奚  
為餽我。冲異其言。君平曰。子持籌握筭。晝夜易瘁。我日入  
而息。高春而起。不下牀。而錢自至。衣食之外。尚有贏餘。數  
百錢。塵埃厚寸。不知所用。由叱觀之。不亦然乎。冲慙服。有



段翳

人居海上，每年八月見浮槎，來不違時，乃齊一年糧，乘之  
到一處，見婦人織丈夫牽牛飲渚，次問此何處，婦以一石  
遺之，曰：爾特歸問嚴君平。其人復乘槎歸，至肆問之，君平  
訝曰：此織女支機石也。義觀天象，客星犯牛斗，非汝耶？君  
平有友段翳，字元章治易明風角，觀四偶之風而占之也來就學者，預

知其姓名，一生學未成，欲辭歸。翳合藥并簡書封而與之。  
告曰：有急發親生行，至葭萌與津吏爭渡，過從者頭破，發  
簡視之，乃爭鬪時日并膏藥金瘡藥也。敷貼即愈，生歎服。  
還就卒業，楊雄自白鶴山歸，將先謁翳，聞翳無疾化去，訪  
之，君平即從之遊。君平曰：遊心於虛靜，結志於微妙，委駕



△李強

△楊烏

△范逵

△相譚

△侯芭

於無欲指歸於無爲故能延命與道爲久雄歎曰先生風聲足以矯貪勵俗近古之逸也屢稱其德益州牧李強曰得其爲從事足矣雄曰可脩禮與相見不可屈也果不得一見王鳳請與之交亦不許陽朔初有家薦雄三世不徒官及莽轉爲大夫次子烏稱神童九歲而夭於是雄恬於世利好古樂道欲以文章成名於後世乃作太玄法言用心於內不求於外人皆忽之惟劉歆范逵敬焉桓譚以爲絕倫劉棻嘗從學及蔡坐事誅時雄校書大祿間夢肉挂車上聞捕至懼誅從閣自投下幾死莽因雄不知情免其罪未幾遂卒鉅鹿侯芭雄授太玄經芭親負土作墳號玄



新井

塚安陵

新井以庚辰為地皇元年初景帝長子長沙定王

劉買

發生買買生外外生回曰生欽欽妻與生長續次仲次秀

劉外

秀生時南頓有嘉禾一莖九穗故名字女隆準日角燕頤

劉欽

鳳目性勤稼穡望氣者蘇伯阿見春陵城歎曰氣佳哉鬱鬱

樊氏

鬱鬱然穰人蔡長孺字少暮年無子好善不哀得倉公

十劉續

之傳夫妻共服十精丸體氣充盈年九十始生一男名慶

一劉仲

世後至一百五十歲復生一男名無極少公年近三百視

十劉秀

之如少童有圖讖之學秀過問之不言姓字少公曰白水

蘇伯阿

起真人劉秀為天子或曰是國師公劉秀乎秀曰何由知

蔡長孺

非僕耶坐者皆大笑又聞犁丘道士西門惠能知未來事

蔡母

弗且專登卷九第一節

慶世

九

無極

西門專



往詢之東漢中興西門先見

劉根既受宋君真訣又得韓終玉冊道法俱高何物府  
君敢加凌辱至欲捉鬼而即拘其父母之魂劉仙亦可  
畏哉

王氏擅權潔身而去者南陽公主始之谷春梅福繼之  
皆已得仙獨惜乎鄭子真隱於其山谷口不知曾爲許  
由引去否

楊子雲以吐鳳奇才師事胡安嚴遵即不能求出世之  
道亦何至戀戀微祿以自壞其品雖有太玄法言何足  
取重



○○嚴子陵高屈光武○○瑪利亞貞產耶德

△李守

西門惠曰明公恢廓大度才明雄畧與高相同○今知莽將終劉復興矣自此秀意始決死○人李守者好星曆識記

△方儲

嘗師太常卿方儲儲得五柞方回玄妙之旨預知黑風雨

○方回

電災異有赤水湖識行世守謹事得其術所古皆驗謂子

李通

通曰劉氏當興李氏為輔及荊州兵起南陽騷動通遣從

李軼

弟軼迎秀相約定謀秀勸兄續即於春陵曰水村應兵舊

錢村莽改貨錢曰泉取通流之義故泉曰白水癸未正月漢兵十餘萬謀立劉氏

劉玄

將帥憚續威明乃立劉玄為帝長後為更始元年新莽遣

更始

兵進圍昆陽劉秀發諸部乘銳崩之莽兵大敗海內翕然



岑彭

朱鮪

隗囂

王涉

死  
應誠以致

漢新  
報復

王昌

圖占以取

響應皆殺牧守以待岑彭  
彭薨宛城降迎更始入都李軼朱

鮪勸誅劉縯秀至宛謝罪更始自慙拜為破虜大將軍令

進攻三輔成紀隗囂起兵應漢開武關迎入是秋莽將軍

王涉夜有稱西門道士若惠請見曰識文劉氏當復興國

師公姓名是也涉遂與劉秀等謀劫莽降漢事泄皆自殺

莽以外破內叛憂懣不能寢食九月漢兵從宣平門入巷

走宣室避火至漸臺臺建眾上臺斬莽傳首詣宛更始都

洛陽秀為大司馬持節渡河鎮慰秀除莽苛政吏民大悅

長安卜者王郎名常占河北有天子氣詐稱成帝子與眾

立為帝入據邯鄲甲申春秀率兵至海沱河使王霸規之



王霸

王蕭王

銅馬

口烏桓

十賈復

十五校

疆華

霸還詭言冰合可渡至則朱合既渡輒解會兵攻耶那郎

出走王霸追斬之更始立秀為蕭王進擊銅馬賊叻鉅鹿

羣盜悉降

蹶脰尤來大槍上江育犢富平獲素宗

乙酉春餘賊散入烏桓界

繼匈奴而興

賈復與五校賊戰深入被捨腸撒於外歸營

悶絕適草澤醫來納腸入腹以油系線縫之出一丹灌之

遂甦贈以金帛醫曰吾陽厲公也憐賈君忠勇故救之飄

然而去蕭王還至

鄒邑縣

值同舍儒生疆華自關中奉

赤伏符來詣王所王覽符內畧云

赤火德伏藏也識記曰符

劉秀發兵捕不道四夷雲集龍鬬野四七之際火為主

王問符何來華曰五祚山有隱士方回云堯時曾聘為閭



危地之難  
開如此

傳不傳

華

上夏后啟未復為宮士能知世運興衰常鍊食雲母粉與  
 病者服之即愈時人知其有道言得回一九泥塗於門盜  
 終不能間回曾為人切置空室閉之回化身去反以泥封  
 其戶以方回印印之累月緊閉反開已不見久久仍在臣  
 往從之乃以此符令呈上言王起兵之歲及成功之將皆  
 應四七之數王當為天下主也羣臣因復請王始許之六  
 月即位於鄆南世祖光武皇帝立郭氏為后建元建武大赦鄧禹  
 為大司徒封鄧侯比於蕭何符中有王梁主衛作方武之  
 句以野王令王梁為大司空後刻期而逝吳漢為大司馬百官  
 陞賞有差十月帝入洛陽遂定都焉是曰東漢帝以火德忌水洛字水傍去水

東漢也  
祖光武

郭后

建武

鄧禹



上梁

吳漢

判盆子

馮異

鮑永

張步

張豐

影龍

鮑永

有諫

英朱

加佳 赤眉立劉盆子暴亂三輔丁亥攻殺更始帝遣馮異

鄧禹破之奉傳國璽降劉水張步張豐彭寵連兵及漢帝

遣鮑永將兵助異字君長初莽欲滅其後太守苟諫曲為

保全永事後母至孝及更始兵敗歸帝有功封中陽侯戊

子四年帝擒張豐初豐好方術有道士英朱言豐當為天

子以五綵囊裹石繫其肘云石中有玉璽豐素有妄念信

之遂反既被擒臨斬猶曰肘石有璽傍人為之解下椎破

之仍石也豐始知彼詐仰天曰當死無恨公孫述稱帝於

成都隗囂歸保天水以馬援班彪為賓客使援觀述歸言

述不足道復使至雒援見帝歎曰帝王自有真也已丑囂



田實融

龍丘長

一任延

周黨

王良

王成

禽慶

侯初作

華藏

欲自立班彪著王命論風之不聽彪避地河西勸實融傳  
意事漢會稽龍丘長者莽累辟不就至是吏白都尉任延  
農因言嚴光之賢延即聘至待以師禮欲薦於朝光忽與  
妻孥避去是秋詔徵處士太原周黨會稽嚴光東海王良  
山陽王戎等使者三聘黨乃就車及陛見帝庭伏而不謁  
自陳願守所志賜帛四十疋罷之良成受職郡守復徵尚  
長長著子平雕筭書行世時男女娶嫁既畢勅斷家事勿  
相閑當如我死也遂肆意與北海禽慶俱遊五嶽名山慶  
亦沉默多識有方外志竟不知其終嚴光少與帝同遊學  
及即位變姓名隱逝帝令郡縣物色訪之齊國上言有一



隗純

男子披羊裘釣澤中帝疑是光備安車立纁使三反而後  
至車駕即日幸其館光卧不起帝撫其腹曰咄咄平陵不  
可相助為理耶光眠不應良久張目熟視曰唐堯著德巢  
父洗耳士固有志何相迫乎帝曰我竟不能下汝郭升興  
歎息而去復引光入內論道故舊相對累日因共偃卧光  
以足加帝腹上明日太史奏客星犯御座甚急帝笑曰朕  
與故人共卧耳拜光諫議大夫不受而去耕釣於富春山  
嚴州桐廬縣西清麗奇絕號錦屏繡嶺其  
隱釣處前臨大江上有二釣臺為嚴陵瀨常與龍丘萇往  
來遊晤後為梅福引去時諸寇皆滅獨成都天水未下王  
辰夏帝征隗囂囂奔避西城癸巳夏嵩卒子純立明年冬



朱遵

純降隴右悉乎丙申吳漢攻水都公孫述戰死蜀地盡乎  
初述僭號功曹朱遵起兵與述戰敗至新津為絆馬倒地  
以手撲頭始知無首仆卧不起至是追贈輔漢將軍士人  
為立祠號健兒廟後改勇士廟是冬羌人入寇馬援大破  
之遠西國人云去中國九萬七千里經三載始抵西羌界  
彼國初有童貞瑪利亞於辛酉歲實漢元始元年天神嘉俾阮爾  
恭報天主特選爾為母已而果孕降生母極喜敬裹以常  
衣置於馬槽羣天神奏樂於空後四十日母抱獻於聖師  
罷德肋取名耶穩方十二齡隨母往謁聖殿歸時相失母  
心痛苦三日夜後覓至殿中見耶穩上座與耆年博學之

瑪利亞

嘉俾阮爾

罷德肋

耶穩



如德亞

士講論天主事理見母忻喜同歸孝敬事奉至三十歲辭母師遊行如德亞傳教淑人所行聖蹟甚多其國中巨家

茹答斯

及在位者極傲惡嫉其衆歸附謀欲殺之耶礁十二徒中名茹答斯者素有貪行揣知本國衆意因以櫻利夜深引

亞納斯

衆捕縛送於亞納斯在比刺多衙內褫衣繫石柱鞭五千

比刺多

四百有奇全體剝傷默不置辨如羔羊惡黨以棘刺冠籠

於其額以絳敝袍披其身僞拜如王造一重大十字架逼令肩荷一路壓跌難堪被釘手足於架上渴以醋膽終命時天昏地震石相觸碎時年三十三死後三日復活身極光美先見母以解憂四十日後將欲升天面諭宗徒百二



西洋古聖國

默德那國

謨罕幕德

天方國

西河

十人分行天下訓誨與領聖水洗罪入教諭畢古聖羣從  
 隨躋天國後十日天神降臨迎母升舉立於九品之上為  
 天地之母皇世人之主保徒衆分巡化教由西洋古里北  
 至默德那國即回回祖國國王謨罕驀德生而神靈有藏經凡  
 三十藏共三千六百卷悉言天象宗徒訪之其風土與所  
 教小異俗重殺非同類殺者不食不食犬豕徒衆復往留  
 馬援乞挈入中土援曰爾教惟言天道乃可餘不足法且  
 留於此衆遂至天方國古筠冲地一名西域四時皆春居民饒業以  
 馬乳拌飯用回回曆與中國曆前後差三日帝召援回都河西賓融人朝  
 以為冀州牧初班彪客於河西遊於城東見一少女色如



老翁

伯山甫

鮑昱

嬰兒答一老翁。頂白如雪。跪而受杖。怪問之。女子曰。此是妾兒也。昔妾舅伯山甫。雍州人。入華山學道。精思服食。時還鄉里省親。見我多病。愍與神藥。妾受服之。漸復少壯。舅氏今已二百餘歲。容狀益少。此兒年甫七十。不肯服藥。以致衰老。行不及妾。故杖之耳。彪問女年幾許。答曰。年一十三。今將入華山尋舅氏也。彪請其方。女慨然不吝。即口授之。其後此方行世。適召彪拜為徐令。未幾免歸。著西漢書。彪功名心重。故遇而不合服也。丁酉十三年。帝以李通首事封固始侯。詔諸王皆降為公侯。成。成十四年。鮑永卒。子昱亦為司隸所乘。一驄馬。三世皆然。都人歌之。辛丑秋。

宣得馬之効。



陰后

太子疆

東海隱者

龍述

廢郭后立陰貴人為皇后太子疆辭位奉母立東海公陽

陰后為皇太子改名莊是年復特徵嚴光已不知其所在

王良歷任司直在位恭儉復徵至滎陽過訪其友東海隱

者距不肯見曰不有忠言奇謀而取大位何往來屑屑不

憚煩也良慙自後連徵不應壬寅歲南方交趾反帝拜馬

援為伏波將軍進征大破南兵封新息侯戊申秋武陵蠻

寇臨沅援請行己酉夏擊破蠻兵進至壺頭忽痰壅而卒

援前在交趾零陵太守龍述字伯高京兆人敦厚周慎願隨軍南

征於日南郡之南金山上遇道人沈文淵賜神芝實如梧

桐子乃治而服之日餌一刀圭服二年得尸解去述嘗曰



梁松

南方瘴癘須服薏苡以勝之援遂餌之還軍載以一車梁

松譖援所載皆明珠文犀帝信而怒援妻孥惶懼不敢以

喪還庚戌冬帝作壽陵陵即原甲寅三十年車駕東巡羣臣

屈處靜

上言宜封禪帝不允乙卯秋有祁陽屈處靜來獻圖符處

靜楚白公勝之後曾為巴郡拱縣令入江州山中潛修悟

蔡陽生

道絕跡人表聞少室西金門山有蔡陽生渣呀蔡真服金

嬰漿得道處靜師之初學導引服食之術繼受還丹大道

凡二十年道成一旦駕鶴翔空入赤城宮得河圖會昌符

知漢帝信圖讖故來獻之帝視其文中有赤劉之九會命

岱宗帝感此文詔梁松等按索河洛讖文奏言九世當封



張純

中元

李躬

趙瞿

侯社傳

卷九

華藏

禪者三十六事於是張純等復奏請封禪帝始許之丙辰春東巡封泰山禪梁陰以璽親封玉牒檢而回京師醴泉湧出又有赤草生於水涯郡國頻上甘露錫山不復產錫是歲改元中元丁巳二年帝因政事勞神形容羸太史李躬曰上黨有趙瞿者相傳在人間三百餘年常如童子之色必有所得可問其延壽之術即降詔往問瞿字子榮呂后臨朝時人也中年染癩垂死或告其家當及生棄之若死於家則世世傳染家人惶惑爲作一年糧送置山中恐虎狼害之從外以木爲砦瞿悲傷自恨帝泣百餘日夜中忽見石室前有三人問瞿何故瞿度深山窮谷非人夜



行之處必是神人乃叩頭哀乞自陳所以原是張湛朱英  
劉京相與常遊北方適見起憐直入砦中有如雲氣了無  
所礙問曰必欲病愈能服藥否瞿曰無狀多罪嬰此惡疾  
至親見棄死在旦夕感蒙垂救服藥豈不能哉三仙遂以  
松子乃松栢脂各五升賜之曰此不特愈病當長生耳服  
半可愈愈後勿棄言畢步空而去瞿服之未盡病果愈乃  
歸家家人謂是鬼物具說其故始信而喜更服餘藥肌膚  
光澤走如飛鳥年七十餘食雉兔皆嚼筋骨能負重不知  
疲倦年百六十夜見屋間有光如鏡問左右皆云不見後  
一室盡明可夜讀書更有二美女時鼓琴瑟於側懽然自



顯宗明帝

永平

東平王

桓榮

樂獨處一室家人世世奉之稱為仙祖及使命至閉目經  
 日不語使者再拜啟問瞿曰子聞太子嘗以帝有禹湯之  
 明而失黃老之福不能順養精神優游自寧斯言信然其  
 能尊禮遺逸善保功臣高祖所不及也然其廢后易儲有  
 玷中興之美今壽過甲子享國一世餘亦已足矣復何所  
 求使者勸上徵車再三不允只得復命帝點頭歎息至二  
 月帝崩年六十二在位三十三年葬原陵太子莊即位是為明帝明年建元永  
 平東平王蒼生以四方晏然宜修禮樂與公卿共議定  
 制度上聞帝深然之己未春正幸辟雍初行大射禮養老  
 禮以李躬為三老桓榮為五更老知三才更知五行更知五行庚申三年立馬



後漢書

馬后

鍾離意

孔訢

張伯

聖平

貴人爲后，帝知后父援受誣令，迎葬於扶風。帝思中興功

臣，乃圖二十八人之像於南宮雲臺。時大起工，建北宮。天

方旱，祈雨雲場。尚書僕射鍾離意字子剛，山陰人，免冠上疏，帝即

罷役，應時澍雨。建武中，遷意爲魯王相，嘗出私錢萬三千

付戶曹孔訢修夫子廟。張伯除堂下草，得璧七枚，懷其一

以六枚白意。堂下有懸甕，意問訢答曰：「夫子甕也，背有丹

書，莫敢發，意故視其文曰：

後世吾書董仲舒護吾車，拭吾履，發吾筭，會稽鍾離

意壁有七張伯懷其一

意問張伯乃服焉。後召爲僕射，帝性偏好察，公卿疎慄，意

弗且專登

卷之第二節



第五倫

傳記卷六

獨敢諫臣下有過輒解救之第五倫出守會稽意託之曰  
吾鄉有鄭弘安貧好學力作奉親公辱臨可舉用之孝行  
是尚忠心必誠

中興南陽自秦穆時已伏其機矣得雄者王此時  
凡當興之主自有從龍之彥如賈鄧輩是也仙真亦必  
來指點救護

光武微時子陵與之爲友及即位而隱姓避去其高風  
直與舜之七友媲美千古噫子陵之後繼迹者誰歟  
此節以鍾離意第五倫焦贛鄭弘渡入天台諸事文勢  
錯落筆花爛熳作者似經太乙吹藜照過



集

〇〇〇入大台劉阮奇逢 〇〇〇見金人漢明異感

鄭弘字巨君少孤師同郡焦贛夜往受經苦讀朝則入山採薪供母爲無力擔負每蕩一小艇泊溪邊樵裝於舟入市易粟一日得矢於山徑頃之有一人提弓聲若從弘覓矢弘即高擎奉還其人問曰子有所欲否弘戲曰子無所欲惟苦若邪溪載薪不易得朝南風暮北風乃使我樵耳其人遂去自後來去果有順風送舟朝南暮北始知是異人天台王君第四子行奉母命向會稽射取嶺頭玉芝出宴嶺偶遺矢來尋見弘孝謹故囑山神賜以往來順風初王君與太玄女修煉天台有七子曰梁順稱行政易與二女



曰麗英霄貞王君分居於對影桐栢山山有九峰九子各

居一峰母常從華頂峰來會

所會之峯曰天姥

新莽時王君欲遊

行人間爲南陽有天子氣以長子梁應識作輔衛辭父靈

王一往探之太玄自號西陵子都別居東南委羽山設教

初劉京至越獨居永寧山中靜養數年道成控鶴冲舉鶴

忽墮羽於此故名委羽其山之石無論大小百碎俱方正

不斜子都所居曰大有宮衆稱爲大有元君未幾楚人司

馬季主趙人鮑叔陽爲尋張朱劉三人來宮投拜爲師元

君授以金石精光藏景化形之道令自修省謂鮑生根尚

淺湏轉世再修方成正果叔陽立地尸解以求來世元君

大有

元君

西陵  
都子



臺人

法涓

濟華

上褒

四梁  
文子

今葬於山陰季主勤修七年道成顏如少童。嶺長三尺其黑如漆欲別去三子稱六子易適來省母。願與季主同遊。元君許之教其立功行世。季主北遊五六年西入蜀居青城山老人村。溪多枸把根飲其水故壽。復娶室經營三載生子曰法道。女曰濟華俱託其生母教之讀易三十九年自來度汝遂尸解而去。王易至范陽投爲安國侯王陵七世孫名褒字子登少即好道入華山靜悟九年。一夕夜半忽聞林澤間有人馬簫鼓聲漸近望見千乘萬騎浮空而降。神人乘雲車手把虎符停車呼褒曰吾木極真人西梁子文也。聞子慕道故來語子。子名登土清但注心四景勤慕上業道自



南極丈人

西域員人

太上丈人

小有王天

成也。褒後隱洛陽山中。南極丈人西域真人來授以太上寶文大洞真經。攜褒至玄洲。見四面大海懸濤千丈。洲上宮闕樓觀。悉瓊瑤。謂此太上丈人之處。引入紫極宮。見丈人身著流霞之袍冠芙蓉之冠。侍女數百。丈人謂西域曰。子登既遇良師。將得之矣。乃授以太清隱書。龍文入靈真經二卷。碧雲陽水晨飛丹腴。二升褒拜服之。遂通大道。上帝賜以飛鸞之車。遍歷羣真洞府。王晨帝君賜以寶芝褒茹之。即身成金色。頂映圓光。授爲太素清虛真人。願小有天王治王屋山。掌上清玉章。九天玄文六合秘籍。乘龍輦虎旂。王輪金蓋。回大有宮。朝見天姥。會集天台桐栢仙春。



王喬

救子行採取玉芝遇見鄭弘也弘母率弘爲鄉嗇夫第五  
倫來千會稽舉爲孝廉未幾倫赴召入拜司空江陵進鹿

爾角間有道家七星符

實季主所遺之乘鹿

帝異問之尚書郎王喬

奏曰此或山人所蓄者辛酉春帝欲如河內射獵皆賜隨  
行官屬帶履王喬上書諫正帝怒遷喬葉縣令車駕將及  
河內連綿大雨難行東平王亦諫帝乃轉轅喬即天台王  
君於新莽末年出山更始二年光武攻斬王郎假稱河東  
人在南陽獲一石雉來獻光武問之士君曰昔秦穆公獵  
得雌雉遂霸西戎建寶夫人祠於陳倉其雄雉之神曰葉  
君別居南陽至今五百餘年真命當出故葉君亦出也光



武喜而收之。命合祠於寶雞山。以喬爲尚書郎。及今諫止。校獵出爲葉令。漢法畿內長吏惟許朔節入朝。喬每月朔望自縣詣京。帝怪其來數密令太史伺而望之。言其臨至必有雙鳧自東南飛來。於是至期清晨令人伏候。鳧至舉張之。但得一雙赤舄。帝使尚方識之。乃四年所賜尚書官屬履也。喬失夫雙鳧。即回縣不朝。天明忽下一玉棺於廳事前。衆人推排不能動。喬曰。天帝獨召我耶。乃沐浴。服飾寢卧棺中。蓋自上覆。終莫能開。一宿玉棺飛出城東。土自成墳。其日縣中各家但見牛馬俱流汗喘乏。莫知其故。蓋守袖爲王君運畜營葬也。葉縣門下有鼓。每當朝時其



劉晨

阮肇

懸花便  
結字豈非

鼓不擊自鳴。直聞京師。自喬去後。鼓忽破壞。百姓咸知其  
神爲之立廟。亦號葉君祠。凡祈禱者輒應。王君回天台朝  
見上宮聖父西靈子。鄒亦自大有宮來。會飲宴間談及子  
女事。王君曰。七子自能了道。二女未可愆期。我歸越中路  
遇二人宿有根本。一是廣漢折象轉世。曰劉晨。一是廣寧  
鮑叔陽再生。爲阮肇。同居剡縣深相交契。不忘世外之志。  
常作伴入山。二士不日至此。可即招爲佳壻。乙丑春。劉阮  
相約往天台採藥。荷鋤提籃至一處。見桃花萬樹儼若仁  
居。步過石梁。有小犬嚶嚶而吠。劉阮玩景深入。迷失故道。  
經十三日。飢渴甚。遙望山頭有桃實如拳。乃躋險附葛摘。



仙境

伊社傳燈

卷九

數枚敢之一時飢止體充復尋路下山掬飲澗水見蕪菁  
葉相映甚鮮一杯從隔溪流至中有胡麻飯取而分食甘  
香異常喜曰此近人家矣將度山而出前阻大溪溪邊有  
二女光艷絕異相顧笑曰劉郎阮郎捉杯來耶劉阮異之  
近前恭問二女懽然答語宛如舊識復曰郎君來何晚且  
至茅舍少坐即邀還家劉阮見南壁東壁皆有羅帷絳長  
帳角懸鈴上有金銀交錯各侍婢數人使令具饌延入席  
有青蒜滂山羊脯味甚甘美食畢行酒俄有羣女持桃實  
以進笑曰賀汝壻來共坐歡飲酒酣樂作至夜深席散劉  
阮各就一榻二女侍寢明晨俱起梳洗綢繆喜悅相聚至



劉阮尚有  
局折故王  
死不相  
見

梅姑

魚道超

魚道遠

十日劉阮求還二女苦留乃止山間氣候草木常似二春  
百鳥啼响千花爛漫二人對此歸思更切二女曰業根未  
斷使君等至此復生退志遂指示歸路各怗悵而別二女  
至委羽見母元君教以靜養時劉京既得真道寄足東南  
間往武夷訪道或來委羽尋真王君遇之語以玄牝互煉  
之理京拜領其教未幾朱仲尋至云在丹陽遇秦時玄真  
梅姑實有道術能着屐平行水上廣度世人鄉里立廟祀  
之其道友二人同學於女偶師者曰魚道超魚道遠入隱  
武夷山其地四圍皆生毛竹後人因呼二魚為毛女常見  
梅姑贊歎君之英年有道欲得一晤梅姑意以二魚雙配



於君以為何如京猶未允王君大婦聞之亦來贊成擇日

送至武夷寓九曲溪邊成婚之日奉林檎美酒於梅姑以

酬其勞

世人謝媒謂澆梅根者由此

明帝於壬戌夏夢一金身長人丈

有六尺頂圍圓光體周日色飛空而至殿前帝明日述此

傅毅

以問羣臣傅毅對曰聞西域天竺國有神曰佛生於殷末

道成於周初身長丈六遍現黃金色環佩日月光應變無

窮無所不入陛下所夢殆將是乎帝前以伊吾廬地為西

域諸蕃往來之要欲遣將屯田於此及聞此言乃使郎中

蔡愔

羽林郎秦景博士王遵等十八人往天竺尋訪問佛

秦景

道法愔等領旨遠涉西方直至拘私那竭國求得佛像叩



尊

崑崙

天竺胡

婆羅門

優婆塞釋

其國人道法惘然無對惟云有頻遜國屬扶南西出海中  
 國主名崑崙有天竺胡五百家供養佛圖於婆羅門者十  
 餘人敬奉其道以香花自洗精進不捨晝夜香馥有區撥  
 摩花冬夏不衰日載數十車貨之國中慘更香好其西又  
 有迦維羅國今屬播黎越國即名維那有優婆塞姓釋者  
 可二十餘家是白靜王之苗裔或有家傳也惜等問去此  
 許遠國人曰我國去舍衛國三十由旬舍衛至維那五十  
 由旬一由旬蓋中惜等皆攢眉吐舌國人笑曰此處尚近  
 去來無難若和訶條國在西南大海中地方二萬里有大  
 山山有石井井中生千葉蓮花井邊石上有四佛足印令



八隻月之六為齋日。彌勒菩薩與諸天神聖處禮佛跡。禮竟便各飛去。其間浮圖講堂皆七寶裝成。國王長者常作金樹銀花銀樹金花供養佛像。我國浮海到彼路經須剌國。亦有五百沙彌皆奉佛教。往來以二年為期。猶木足為遠也。惜等乃稱謝告退。復轉至大月氏國。遇一僧曰摩騰。美半儀解大小乘經。聚徒說法。眾曰沙門皆草屨為床。惜等往拜之曰。吾師大聖能以佛教流行東土乎。僧曰我之十七代祖師迦葉。乃釋迦佛大弟。悲郊部人民常願度之。此洲在彌羅山南。藏修羅足山。集載佛語為十二部經文。故稱南闍浮提。歷世相傳累成四十二章。汝等可繕寫以歸。不虛此來也。

沙門

摩騰

沙彌



四沙門

命弟子出大乘經典皆貝葉之文。金光之字。情等悉收。為弟子跪寫佛經心經大悲等咒。共四十二部。十四月始畢。拜謝而回。騰令四沙門與之偕行。時乙丑秋七月也。帝聞求得經像。親出西陽門郊迎。初止鴻臚寺。以白馬馱經而來。創置白馬寺以居。中國僧寺取名之始命四沙門住持。迎八正殿。曾集羣臣。啟金像拱瞻。見其相七滿八平。廣臉長臂。金花而珠澤毛。青精髮。鰓火眉。琉璃咽。珊瑚舌。旃檀口。纓絡曾足。其八寶法相。外有七寶之飾。淨案幡閣。其書請四沙門解釋其義。曰。吾佛以虛無為宗。貴慈悲不殺。人死精神不滅。隨復受形。生時所行善惡。皆有報應。故必修煉精神。以



宋均

楚王英

至為佛精於其道者。號曰泐門帝。喜其言人。緘藏蘭臺石室供奉。以佛像繪於清涼臺。其臺冬無大寒。夏無大暑。故名顯節陵。宋均諫曰。佛言虛無寂滅。使流於世。將成無君父之俗。孰與治國乎。帝曰。其語能覺悟羣生。化通萬物。何傷於為國耶。更令郡國皆圖形像。傳寫其文。習誦受持。凡歸之者。削髮披緇。以別其類。謂釋氏僧家。王公貴人多有崇奉。楚王英最先好之。光武第六子冬十月。詔聽贖有罪亡命者。英奉黃繡白紵云。贖向積愆。臯詔報曰。楚王誦黃老之微言。尚浮圖之法教。何嫌何疑。當有悔吝。還其繡帛。以助伊蒲塞桑門之盛饌。即梵語之優婆塞。泐門越騎司馬鄭華言清信善覺之士也。



衆使凡單于還聞帝信奉佛書因勸當行中國聖人之教

帝乃崇尚儒學丙寅九年詔令皇太子諸侯王及大臣子

弟皆令受經匈奴聞之亦遣子就學戊辰東平王來朝帝

問王處家何事最樂王言爲善最樂帝賜王諸子皆佩列

侯印時匈奴賓服西羌猶爲漢患己巳歲以劉子南爲武

威太子子南少與許昌孔元方京兆張公超從雒陽道士

尹公學法元方各秘常服松脂茯苓實等藥老而轉少

道家或請會飲元方作一令以杖拄地手把杖倒堅持杯

逆飲如蛇吸水其他道術藏而不試公超名楷既得尹公

術往君華山谷中能爲五里霧人不能近收則晴明如故

○劉子南

○孔元方

○張公超

尹公

黃河水逆  
流耳此王  
夫近道



裴優

傳不傳

車

復得五訣金匱之學坐在立亡造訪者日衆車馬填塞無

所容貴戚家起舍巷次以館過客時號公超霧市

太華山南有張

超裴優亦能作三里霧來求學於楷楷不與見未幾優作

賊事敗詞連及楷有司以無據見原楷後為南宮召為仙

官子南受尹公穆成子螢火丸方丸如杏仁以三角絳囊

貯五九帶左臂上從軍者繫腰間居家懸戶上辟盜及諸

惡毒子南合而佩之在武威界遇虜被圍矢下如雨木至

馬數尺矢輒墮地無一及身虜以為神解圍去子南以其

方教已子及兄弟親朋之從軍者皆未嘗被傷楚王英慕

之密使人求其方子南不與庚午冬楚王與方士作金龜



鍾離瑾

玉鶴刻文字爲符瑞有人告王造作圖書有逆謀事詔下有司案驗奏英不道請誅之詔廢徙英於丹陽辛未夏英愧忿自殺窮治楚獄焦贛亦被收於道亡去詔繫其妻子於獄贛之故人皆避禍遠遁鄭弘詣闕訟贛之寃帝嘉其義遂釋之擢弘爲淮陰守至郡興利除害歲有微旱弘親行田間霖雨即至時有白鹿方道夾轂而行主簿賀曰聞三公車轡畫鹿明府必將大拜未幾果徵入壬申十五年鍾離瑾言孔子之神聖帝於是春東幸闕里具太牢禮祭親御講堂命皇太子諸王說經遊孔子手植櫓下高五丈餘見靈光殿問之博士對曰景帝時魯共王欲廢孔子故



孔安國

陳伯

仙林傳

卷九

宅以廣居址。聞壁中有金石絲竹之音。懼而止。後孔安國發壁得古文經傳。共主乃建一殿於孔宅之側。因名靈元。帝歎曰。自漢中微。宮殿皆毀。而靈光巍然獨存。共王殆亦有異乎。博士陳伯安樂人進對曰。共王果異。安國更奇。帝問其詳。伯曰。安國孔子之後。博學好道。常行氣服食鉛丹。隱於潛山石室。代爲鴻儒。獨願小隱。

劉阮未歷世味。故入仙境。而不知其佳。必身經得喪。目擊興衰。始能證道。是亦人情之常。

螢火九能避兵。及及諸不祥。真堪秘惜。金人入夢。佛教流行。天師降魔。道法愈顯。



〇〇陰外戚密受丹經 〇〇沈侍郎重歸碧落

斷穀不語每經年半一出飲食至二百餘歲顏益童少弟子隨者數百皆不肯輕傳俟奉事五六年審其志誠乃傳之臣嘗求為弟子留三年知臣執信始謂曰吾亦少更勤苦尋求道術終不能得神丹八石登天之法唯受地仙之方僅以不死復事海濱漁父即越相范蠡也矜哀育志授秘方服餌之法以得度世漁父更云昔姜伯塗山大伍知司城子期得丘伯大禹東方朔王喬皆用此方千歲之後更復少壯吾以一方授東萊崔仲卿年已八十四謹服三十三年鬚髮不白口齒完堅沛縣張合夫婦奉事極謹我授其方合妻

姜伯

塗山

大伍知

司城子期



崔仲

張合

合妻

班超

奉林

班固

水恭

侯仲然

年五十服之如二十許一縣怪之年八十六生一男後又

教數人壽皆百歲間有中天者由用之於房術也帝欲謁

受其方伯曰臣客歲入山云已昇天矣帝載伯於後車中

路忽亡去帝怏怏終日癸酉秋遣班超使西絕域鄯善于

寘等国皆遣子入侍超歸謂條支安息諸国去維陽二萬

五千里超即彪次子字仲有相者奉林劉京謂其虎頭燕

領飛而食肉萬里封侯也超乃投筆從戎累功封定遠侯

兄固字孟堅九歲能文撰兩都賦續成父彪西漢書集藝文

志諸書白狼槃木等百餘国皆稱臣奏貢乙亥夏北單于

進擊車師耿恭往救被圍絕水恭年井不得泉冠服向



肅宗章

建初

一代

張道陵

張典

張高

張默

張金

張下秋

張嵩

張莊

張讚

井拜壽水湧出令吏賜水示虜虜以為神引道去恭識乾

象見勾陳帝座昏慘知朝廷將有大喪是秋帝崩在位一

四十八太子烜即位是為章帝以明年為建初立竇氏為后已

郊四年詔諸儒會集白虎殿論五經同異帝親臨鑒定庚

辰五年詔各郡國舉賢良之士內一人姓張名道陵字輔漢沛

國豐留侯九世孫初不疑嗣為侯生二子曰典曰高典生

邑人默默生大司馬金生陽陵侯千秋字萬年生子嵩嵩生壯

讚彭睦述其後多以功烈著傳至唐列為安定范陽太原

陽平原京兆等四十三望族中出宰相十七人次子高生通通生無妄無妄生里

仁里仁主浩浩生剛剛生翳翳字大順客於吳之天目山妻

弗且事登卷一第四節

二

王戎



張通  
張無妄  
張里仁  
張浩  
張剛  
張翳  
林母

仙林傳

華

林氏夢神人自北斗魁星中降至地長丈餘衣繡衣以薔  
薇香草授之曰吾始居方山今奉上帝命來降汝家林既  
覺衣裾居室皆異香經月不散遂感而孕復歸沛建武甲  
午上元夜生道陵黃雲籠室紫氣盈庭室中光氣如晝復  
聞昔日之香決旬方止先是清平吉離家百餘歲一旦回  
沛鄉里容色不老指此地當生一大聖為天人主宰數日  
後平吉忽尸解道陵適產於此七歲時遇一老人稱河上  
公授道德真經棒歸誦之即通曉其義及長長九尺二寸  
顴骨廣額朱頂綠睛隆準方頤目有三角伏犀貫頂玉枕  
峯起垂手過膝美髭髯龍踞虎步豐下銳上望之儼然博



綜五經墳典以及天文地理河洛圖書識緯之秘為一代

大儒往來吳越從學者千餘人天目南三十里西北八十里皆有講誦之堂今臨安

神山觀餘杭通常計功名無益於身心乃鍊長生之道於

仙觀是其地陽羨山中三面皆飛崖峭壁惟此一徑可入即張洞之西

南有潭在山半深谷中周遭皆石壁下臨深淵石梁旦其

公洞

土間有王女來遊行道陵不之顧聞西洞庭有羽士曹洞

玄棲於林屋洞側馬城宮中深明道法因與講究復自浙

踰淮涉河洛蜀山得煉形合氣之書辟穀少寐永平二

年二十歲赴直言極諫科拜巴郡江州令未幾隱鍊北邙山

建初五年四十歲詔舉賢良方正道陵不起復徵為博士亦

弗且事登

卷乙第四節



廉范

周紆

魯恭

元和

物貴白色  
為光潔也

郭泰

不赴時廉范遷蜀郡太守民有五袴之謠聞鬼谷子隱大  
峨山洞著書三叩始得見與語當世事切中時弊范曰安  
得如高賢者出輔朝廷維持風俗耶先生曰當世不乏賢  
才如第五倫鄭弘班超明公等為一時之後無從施展如  
維鳴令周紆剛介能觸衷強中年令魯恭其治邑有三異  
皆不能重用山林抱道之士肯出就仕耶范感歎越宿告  
退不數步回顧山洞已雲封莫辨甲申元和元年日南獻  
白雉白犀二年帝東巡進祠闕里北幸趙地登蒲吾房山  
上有王母祠設醴祀之至元氏山多白石如米堆玉削封  
為白石神君有司奏度遼將軍郭舉有女名夕藥靈穎好



郭少藥

道及筭有真人降曰汝是東華玉女乃授六甲靈文能飛  
形往來頃刻千里冬日與妹弟語及鮮桃即於袖中山桃  
一枝累累數實甘美異常云得之蓬萊衆莫測其從來帝  
命召之使至少藥立地而逝使者還報命建祠祀之曰少  
藥行宮丙戌三年丞相鄭弘數諫外戚權重帝不聽至是  
病薨未幾第五倫亦卒詔郡守進賢令先是趙王如意化  
形卒然報呂氏冤用海水漂隔卬池溺死二千餘命海柳  
晁閭劾其擅用海水枉殺平民上帝譴責命爲卬池龍使  
天吏監臨不得干預雨澤值連旱水涸烈日上臨內外熱  
惱八萬四千鱗甲中生小蟲呿嚙不已宛轉困苦一日晨

見問

卬池龍



涼天光忽開五色雲氣浮空而過中有瑞相紺髮螺旋金  
容月瑩現諸聖妙山靈河伯萬衆稽首天香繚繞天花紛  
墜龍神清口潤仰首哀號乞垂救度萬靈諸聖咸曰此西  
方太聖正覺世尊釋迦文佛也往東土流行教法爾旣遭  
逢宿業可改龍即踴躍入天光中具陳往昔報應之故佛  
言善哉帝子汝向來孝家忠國復生憫世護持之念因果  
未周仇敵相爭遷怒於物業債當償今悔求解脫汝於是  
時復生冤親嗔恚否龍心地開明無人無我自顧業身隨  
念消滅復爲男子聽佛宣說得灌頂智得大辯才神通力  
圓滿相遂歸依焉旋即受形於趙國張禹之家禹刺史揚州志在察



冤理枉不畏長名勲州推郡舉授清河令寬明自任待吏  
子胥神逕渡如僚友視民如家人教化之善不一而足以是雨暘以時  
蝗蠹不作偷賊相戒出境姦邪格心為政五年怨懟不聞  
四民頌之歌曰

吾有師師嚴而不慈教我恕我張公能之吾有友友信  
而不戒親我正我張君是賴我有親母恩掩於義張君  
似之柔而不制我有親兄實敬於情張君似之和而不  
爭

時為太守責以趨進勲曰將會帝於九原也遂解組而歸  
百姓號泣追送公慰諭遣之歸即無疾而卒丁亥改元章



章和

和帝

永元

和戊子春正帝崩年三十一太子肇即位是為和帝己丑建元

永元丁酉九年間張道陵在北邙欲徵為太傅遣使聘之

不出令使者再往許封冀縣侯終不就初隱修煉三年有

白虎啣符置座隅而去視其文不識有施藥道者來會言

能識丹書篆文出符示之道者曰此太乙龍虎神丹真經

也子何從得者道陵述其故求其姓氏道者曰吾立心求

長生故名恒字長生新野人陰皇后之曾祖也雖為外戚

不慕榮位潛心大道聞馬鳴生有度世之法乃入諸知山

尋求至南陽太和山得見執奴僕之役鳴生不教以道但

談世事如是十餘年共事者十二人悉恚怨歸去獨我執

馬鳴生

陰長生



飛極子

禮彌謹又積二十年鳴生始問所欲我肅敬跪拜曰惟乞  
生爾鳴生憫焉乃曰子真求道者也遂將我入青城山  
王爲金以示我即立壇西面授太清金液神丹之經臨別  
曰吾即蜀之青衣帝也復出諸品丹經指說名目故頗能  
識之入武當石室中依經修煉七年丹成遂先服半劑自  
號北極子欲立功行更作黃金數萬斤周行賑施待施盡  
始服餘丹方可上昇爾道陵曰嘗聞仙有數等君證者何  
長生曰仙品雖多總歸乎三若能絕嗜慾修胎息願神入  
定脫殼投胎托陰陽化生而不壞者可爲下品鬼仙也若  
受二甲符籙正一盟威止清三洞妙法及劍術尸解之法



魏伯陽

雍母

文姬

五代

而得道南宮列仙在諸洞府修真得道乃中品仙也若修金丹大藥成道或脫殼或冲舉者乃無上九極上品仙也。道陵復與論成仙人數長生曰上古仙者多矣不可盡論漢興以來得曰者連余四十六矣二十人尸解餘並白日上昇觀子骨相非我可比當爲律仙之祖勉力加功我將東遊吳越會亦須先生也遂携囊而去未幾道陵入吳尋之遇真人魏伯陽拜求其道丹道愈明別而西遊愛蜀中溪嶺深秀初居陽平山得貞女雍氏爲配始生女名文姬既生子衡字靈越三年又生子權字令復遠生三女曰文光賢姬芳芝母子七人共處道陵西行見靈竒一山上有



張衡

張權

文光

賢姬

芳芝

王長

山神

趙公明

石鶴形似鵠聞真鳴則有得道者道陵居之石鶴忽鳴

因名鶴蜀人王長習尺文通黃老求投為弟子道陵與長

歸沛時父母俱亡卜築於桐栢太平山後受封桐栢真人

居年餘復從淮入鄱陽登樂平雩子峰山神拜迎於道願

受驅策道陵命其廟食峰下將欲鍊丹其間山神知覺常

以雙鶴導其出入道陵遂棄其地復泝流入雲鶴山獨與

長鍊九天神丹一年紅光照室二年有青龍白虎現繞丹

鼎亦名龍虎山三年丹成年六十餘餌之益壯行及奔馬長分

餌有得一日有神人虬髯鐵面皂幘金鞭跨黑虎至前曰

趙公明願永護真人丹局道陵命其鎮守玄壇復自概訪



西仙源獲制命五嶽攝召萬靈神虎秘文於壁魯洞復與  
長入北嵩山有繡衣使者告曰中峰石室藏三皇內文黃  
帝九鼎丹書及太清丹經得而修之乃昇天也於是齋戒  
七日入石室足所履處楚然有聲掘其地果得丹書精思  
修鍊能飛行遠聽分形散影每泛丹池中誦經堂上隱凡  
對客枝藜行吟一時並起人皆莫測其神妙壬寅冬開帝  
立鄧氏爲后歎曰鄧禹未嘗妄殺後世自必有興乙巳元  
興元年春常侍蔡倫進已造之帛以代竹帛倫字仲敬少  
負才名每思倉頡有竹簡汗青必有意旨乃剡故布截青  
竹搏抄作紙帝命發於天下人爭效之封倫爲龍亭侯未

鄧后

元典

蔡倫



延平

殤帝

清河王

安帝

懷喜

宅址內有蔡子春紙白岳州平江張道陵曰雖為世所

縣亦有春紙白嘗就其地多竹也便反撲為澆恐帝壽亦不永是冬帝崩在位十七年少子

隆生百餘日即帝位丙午建元延平八月帝崩謚孝鄧太

后迎立清河王慶之子祐是為安帝章帝餘年十二太后聽政因憂思

成疾聞吳郡有良醫遣使往尋沈羲仙去凡四百一十一

年至今九月復還坐於十餘世孫名懷喜者之家言其所

以懷喜聞有遠祖登仙遂敬事之叩問仙去所遇之事羲

曰初上天時不謁天帝但謁太清老君向東坐夫婦跪拜

左右勅余不得謝令相對默坐宮殿盤鬱雲氣五色庭中

皆珠玉之樹衆芳叢生龍虎辟邪遊戲其間但聞琅琅如

第四節



銅鐵聲不能測識侍從數百多女少男四壁熠熠玄黃有符書著之老君長可丈餘被髮文衣身體有光不可正視須臾數變令王女持金案玉杯盛藥賜余曰此是柳丹服之不死夫妻各得一刀圭又言服畢拜而勿謝復賜大棗二枚如鷄子脯五寸復賜符一道仙方一首曰汝且還人間救百姓疾苦若欲來此懸符竿杪吾遣仙吏迎汝但昇時不雨也詔已奄忽如睡已在地上矣向於蜀中治病今始來此遂留鄉里以仙方施治所活無算遠近傳播太后遣使請問義以方寄上病隨愈丁未永初元年春三月義偶遊丹陽見有沈建者其先世爲長吏而建獨好道不任

永初

懷正



學道服之術。義念同宗子弟因傳以符方。亦能爲人治病。無輕重建到。輒愈奉之者數千家。每將遠行。寄奴信三五人。驢一頭。羊數十口。各與藥一丸。謂房主曰。但累屋舍。不煩飲食也。便辭去。主人怪之。曰。此君所寄奴畜而不留。寸資當如何。仍與之飲食。奴侍聞氣皆嘔逆。驢羊見水草亦避去不食。主人驚異。視奴侍光肥。驢羊茁壯。建三年乃返。奴畜各復以一丸藥。飲食如故。建能舉身飛行。或去或還。三十年後。乃義以有建。行世於戊申二年。以符懸竿杪。一不知所在。時儀仗侍從迎歸。碧落是夏大旱。太后親錄囚徒。有一囚被考誣服。具得其實。令考者抵罪。太后行未及宮。澍雨人



黃石君

降去歲司徒魯恭奏孟夏斷薄刑冬月斷大辟恭性慈愛  
少孤家貧偶遊穀城山遇黃石君者自言數百歲猶有少  
容恭師之得授空洞靈章之經黃君知其魯共王再世謂  
之曰子雖遠舉終歸棲此後舉明經居官剛直肝腸赫赫  
節義凌凌

道陵矢志修真封侯不易固知人世榮華不及仙家歲  
月認得真識得透也

神仙功行惟在濟世度人碧落侍郎一歸天上反覺無  
處立功故復人世遊行蓋未成道必當離俗已成道者  
不能忘世也



○○○魏伯陽丹試河馮○○○張輔漢道傳王趙

晚年卜葬於鉅野鑿山為墓得一白兔窟中小兔甚多眾

欲擊捕恭止而掩之更於小陽得黃金無數因名庚戌金鄉

上鄧騭

四年鄧騭為大將軍

太中

魯恭舉弘農楊震清節震父實

回楊寶

九歲至華陰山見一黃雀為梟搏墮地困於螻蟻即懷歸

回楊震

置梁上又為蟲鼠所噬移置巾箱中采黃花飼之百日羽

豐朝去暮來經年後忽與羣雀俱來哀鳴繞寶數日乃去

是夕有黃衣童子來再拜謝曰吾西王母使者往蓬萊過

此劫數遭厄感君拯養一護今當受使南海不得朝夕奉

侍流涕辭別且以白玉環四枚遺寶曰吟君子若孫位三



虞詡

元初

永寧

李邵

建光

公潔白如此環後楊氏曰以世亂不仕光武高之賜號

靖節先生震

起字伯明

經博諸儒稱曰關西夫子嘗教授

生堂下有三鱸都講以為有三公之象鄧騭聞而辟之魯

恭又薦朝歌長虞詡有才畧元初乙卯二年以詡為武都

太守羌人驚伏帝以庚申改永寧遣二使微行入蜀體

祭吏治時李邵為郡候吏遇

與飲問二使曰君自

京師來知二使者何日發二

問何知之邵曰天象

有二使星八益部耳二使歸

召為侍中辛酉改元

建光詔舉有道之士初會稽

魏伯楊世襲簪裾惟

公不仕博瞻文詞通諸緯候恬

守素道義是行出遊句



現信然  
征先生

周燮

馮良

虞巡

曲山遇道士云自善忍國來姓現名信然即隱生師無常先生即馬生受無常丹經古文金碧龍虎上經子好道合當授伯陽拜觀之深獲妙旨修真潛默養志虛無來從者甚眾伯陽乃將汝南周燮南陽馮良虞巡訓之從叔入廬江山見四峰特起立曰鼎作丹三年丹成知周馮心未盡誠試之曰金丹雖成宜先試之犬犬無患而飛入方可服入山時曾携一白犬自隨以丹餽之犬即死伯陽曰作丹未成無乃未合神明之意耶服之恐復如犬奈何弟子曰先生當服之否伯陽曰吾違背世路委身巖谷而修不就亦耻生還將與鬼為隣也吾當服之取丹入口即死巡忖曰師非凡



景休

人得無有意乎亦取服之外地周馮相謂曰作丹求長生耳服之而死焉用此為遂共出山伯陽躍起將神丹納巡及白犬口中須臾皆起乃得仙道伯陽嘗約周易譔參同契三篇復作五相類補塞遺脫繼演丹經之玄奧青州從事徐景休深通易理初遇陰真人之授性樂天真嗜酒不輟而怡然獨醒伯陽往訪密以書質之景休開講淵微更為高敞伯陽曰實吾師也仍勸其勿飲為高徐遂斷酒隱名而註其義曰分箋註節解伯陽念周馮冥二棺入山為殮失屍大慟之誠乃俟伐木人來作書寄謝各與所著書一卷周馮始大悔恨自此閉戶絕俗矢心靜悟尚書陳忠

陳忠

上綿袍樣



延光

閻后

北鄉侯

順帝

周舉

永建

薦周舉行深純帝以羔幣聘之皆不欲就周舉之宗族  
 勸之曰夫修德立行所以教世也君獨守東崗之陂乎舉  
 曰夫智者度時而動動而不時焉得亨乎遂與良自載詣  
 縣稱病而還壬戌延光元年鄧太后崩帝始親政甲子三  
 年帝廢太子保太尉楊震上疏極諫被貶而卒乙丑春帝  
 崩於葉年三十二在閻后貪立幼年定策立北鄉侯懿至  
 冬薨中常侍等迎故太子即位是為順帝盡誅閻氏黨類遷太  
 后於離宮周舉勸司徒李郃上疏帝始朝太后詔改葬楊  
 震諸名士往送之有大鳥高丈餘集喪前俯仰流涕葬畢  
 始去咸謂震之靈焉丁卯永建二年詔徵處士南陽樊英



樊英

黃瓊

楊厚

雲翹

東海涉翁

劉綱

今補仙傳卷六

華藏

河南張楷江夏黃瓊廣漢楊厚惟楷不起三人拜為議郎樊英有族姑雲翹少喪父母善辟繡日績十八兩以供祖母少妹年十三遇一聳顴老叟云是東海涉翁謂雲翹相具仙姿稟彞孝友當躋頓門道法遂授真境靈符寶籙且囑曰不可輕付匪類汝祖汝妹雖亦名列青籍功行未建因緣在七百年後言訖而去雲翹默修有得揚州劉綱字緇家世下邳少好道術得委羽劉京所傳能檄召鬼神禁制變化潛修密證人莫能知聞雲翹之賢乃媒聘為室後舉入賢良科仕為尚虞令為政清靜簡易無水旱疫毒驚暴之傷歲歲大豐暇日常與夫人較術俱坐堂上綱作火



燒客碓屋從東延至夫人禁之即止舍宇無恙庭中兩桃  
樹夫妻各咒一株使相鬪擊良久綱所咒者敗走離外綱  
常吐唾盤中即成鯉魚夫人口吐一獺往捕食鯉綱與夫  
人入四明山路阻虎綱禁之虎伏不敢動纔過虎即去夫  
人逕前虎以面向地不敢仰視以繩繫於卧床腳下綱每  
試術事事不勝及功滿將昇天縣廳側先有大皂莢樹綱  
登樹數丈方能飛舉夫人乎坐冉冉如雲氣之升同上碧  
霄而去英爲夫人族子字中和奉事盡禮稍得其傳能推步  
災異嘗漱水救火與作霧張楷善及英應詔楷遂薄之英  
入都帝待以師傳之禮士大夫咸就請教未幾無疾而逝



黃香

瓊父黃香事父母極謹夏扇枕冬溫衾章和時為尚書令

以壽終墓在瑤字世常影瑤英居職練達數上疏帝采納之壬申為

梁后

陽嘉元年立梁貴人為后明年宣陽亭地外戚北禍拆八十二丈帝

李固

引所舉敦樸之士使各對策南鄭李固為最師子字嘗易

田九烈君

姓名負笈從師一日偶行柳下遇老人謂曰吾九烈君也

上帝命掌柳汁以染天下舉子之衣即得顯達已染子之

衣矣得舉當以棗糕祀我能使子獲高位固敬奉之貴顯

永和

寵渥丙子改元永和丁丑夏大旱禱雨無應河南尹周暢

雒陽

字伯符乃收葬雒陽城傍客死骸骨萬餘為立義塚應時

重君支

大雨三農豐收議郎李固聞於朝徵為光祿勳有女名爰



法真

法雄

高恢

梁鴻

孟光

支少好善服茯苓三十年遇一道士稱是秦時召長生教  
 以化遁上戶解之法爰支得授父其後父女皆無疾善終  
 人以為吉祥逝也鄢人法真字高卿體兼四業學窮典與  
 與汝南周暢西蜀高恢為友恢字伯達治老子恬淡之道不  
 營世務匿耀隱華終身不入城市梁鴻初受業太學博覽  
 不為章句乃牧豕上林苑同縣平陵孟氏有女名光狀醜  
 不嫁父母擇對光曰欲得賢如梁伯鸞者字鴻聞而聘之  
 及嫁七日更為四維髻布衣操作而前鴻喜曰此真鴻妻  
 也能奉我矣字之曰德曜共入山耕織為業詠詩書彈琴  
 仰慕前世高士而為四皓以來二十四人作頌因東出關



臯伯通

過京師作五噫之歌章帝求之不得鴻易姓運期名耀字  
侯光與妻居齊魯之間又適吳寓臯伯通廡下為人賃春  
每歸光為具食舉案齊眉伯通異之方舍於家鴻實避外  
戚潛閉著書十餘篇少與高恢善隱於華陰山及是思恢  
作詩曰

鳥嚶嚶兮友之期念高子兮僕懷思僕念恢兮爰集茲  
鴻卒囑葬於吳令光歸扶風法真博通內外之學蹈老氏  
高蹤隱居不仕號關西大儒扶風太守造訪真以幅巾相  
見太守曰欲屈為功曹光贊朝政可乎真曰以明府折節  
故敢相迎若欲吏我將在南山之南北山之北矣帝兩巡

太守



田羽

郭正

邢神女

杜公

東陵

聖母

梁商

同郡田羽薦之帝虛心欲致前後四徵不屈友人郭上稱  
 之曰真可謂百世之師者矣。中平五年卒年八十九謚玄德先生庚辰五年  
 廣陵有司奏神女上昇女邢姓曾師劉綱能易形變化隱  
 現無方長滴海陵杜氏杜公不信道恚怒之女時或理疾  
 救人有所請杜恚益甚訟之官云妻姦妖不理家務官收  
 女下獄頃之已從獄窓中飛出衆望之轉高入雲中留履  
 一雙在窓下奏聞詔立廟祀之賜號東陵聖母遠近士民  
 祈禱立效常有青鳥在祭所有失物者乞問所在鳥即飛  
 集盜者屋上由是路不拾遺病者禱鳥至則吉辛巳六年  
 后父大將軍梁商病遣人至海陵虔祀青鳥不至未幾商



梁冀

漢安

杜喬

周栩

馮羨

張綱

郭遵

劉班

冀以后兄冀代之壬午為漢安元年帝選威望素著者為  
使以杜喬周舉周栩馮羨樂巴張綱郭遵劉班分行州郡  
初山圖為立功行自東南轉入汝陰聞有樂先生得道居  
蒙山能誦龍嶠經乃入山追尋遇一真人乘白鹿張羽蓋  
佩青旄之節侍從十餘玉女圖意是樂再拜乞訣真人曰  
吾羨門子也前有周義山懇問長生予以萬壽丹半顆與  
服近遇中央黃老君授大洞真經三十九篇句日上詣太  
微宮受書為紫陽真人治葛衍山金庭銅城子之名在丹  
臺玉室何憂不仙而遠涉江河來登此山耶不如及早歸  
休圖問樂何在真人曰合成甘露凝珠復往塵世遨遊不



或見仙家  
飲用國家  
在壁

中山黃  
老

居成都故鄉。即在帝鄉。離下圖拜別。尋至蜀郡。不見。因上  
逍遙山。見石室中。有核狼籍。丹竈烟浮。尋視。悄無一人。石  
壁上刻漢安元年四月十八日。會仙於此。十三字。圖跌足  
曰。不意今日。惟有仙真。會此步遲一頃矣。掀爐視之。猶有  
丹屑少許。刮而食之。復留連坐。晌遇一丈人。云是中山黃  
老。為子夙根。既深。授以三清要訣。令其冥自內視洞房。並  
見無央白元。語畢。曳杖飛行而去。圖逕往雒陽。訪求樂巴  
巴。不改姓名。原居蜀地。內黃。初任臨汝太守。親賢愛民。為  
立生祠於臨川山。後名巴山。既任桂陽太守。興學勸七訓。課吏  
胥。定婚喪之禮。朝廷徵入。面獎。令與杜喬等。巡行天下。將



起程圖來與語相投同往觀察西南郡縣一路除殘表善吏民悅服至滇中赤晟山上產五色靈芝形勢奇秀二人潛避其中養靜數年後上帝降冊欒君為青陽真人山君為再同真人八使中惟張綱未之部即理輪於都亭劾奏

梁冀綱

字文紀犍為武陽人司空皓之子留侯之後

少負氣節居北平山讀書

每夜見五色神燈莫知其數往來山頭天桂峰一日見一遁者曰我張道陵也與子同宗故來告出處之術綱迎拜求教道陵曰凡人率性直行邪僻難干詭詐百出終身憂辱在乎順理而已子其靜以待時不患無美名也綱謝教自此常降齋頭講究道學其待者皆稱道陵曰真人未幾



虎神

楚昇

辭去真人立志行道乃謂衆曰昔禹平水冀益焚山澤功垂萬世今地道失寧妖厲不戒吾徒無益道功未修奈何近聞巴蜀沴氣爲災害於人當速除之遂登西城山築壇殫以降五帝感太上屢附授經籙於是能分形示化出入水火之妙矣其時西城房陵間有白虎神好飲人血每歲其鄉以人徃祭真人聞之召戒虎神其患遂息又有人告梓州有大蛇鳴則山谷震動時噓毒氣如霧數里外人中之輒死真人亦以法禁之不復爲害由是遠近來歸者以千數其九鼎大要惟付王長後得一徒曰趙昇楚人舉動如愚真人頗悅其誠篤乃七次試之初到門不許相見使



辱罵之四十餘日。露宿不去。乃收之。遣於草中。守稻驅獸。

暮夜一美女。詐言遠行過此。寄宿與昇接床。明日稱足痛。

留數日。頗以姿容調昇。昇終不失正道。有遺金數十餘餅。

昇趨而不顧。入山伐薪。三虎交搏之。持其衣服。昇不恐怖。

謂虎曰。我道士也。少不履非。遠來求師學道。汝不須爾。虎

乃去。使昇入市買縑。已付值訖。而物主誣言未得值。昇即

捨去。不與爭論。解衣費錢。更買而歸。別守田穀。有一人來。

乞食。衣不蔽形。身生癩瘡。臭惡異常。昇憐而不憎。即解衣

衣之。以已糧為食。真人登雲臺山。絕頂巖有桃樹。大如臂。

生石壁上。臨不測之谷。語諸弟子曰。有能得此桃實者。當



付以道要於時俯而窺者二百許人皆戰慄却退還謝不能昇。付曰：神之所護，何險之有？乃從上自擲，正得樹上，足不蹉失，取桃滿懷。而石壁峻峭，無從攀援，不能復上。以桃一一擲上，得二百餘枚。真人賜諸弟子各一，自食其一。紹一以待昇，乃臨谷伸手接昇。衆見真人臂不加長，如掇一二尺物。忽然引手，昇已得還。以所餘桃與食。真人曰：昇猶能正心，自投桃上不致蹉跌。吾試自投，當得桃否？衆諫不可。昇長不言。真人遂投下，不知所在。四面壁立，漫不見底。莫不驚咄。昇長相謂曰：師猶父也。吾心何安？俱自擲谷中。正墮師前，見坐局脚玉床，斗帳中笑謂曰：知汝二人當來。



遂上谷授以道要衆見三人不起名散去真人每出遊行  
必與張綱相會綱欲從之學道真人曰子特具正氣而無  
仙骨且取人間爵祿維持漢室可也理輪除虎狼詣壘伏  
強寇

魏真人三弟子中止得一人張真人數百弟子亦止得  
三四人能真信者何其少也余曰不然仙真在世濟拔  
者多矣若學者俱信信者即度則海內皆成仙境俗人  
既無三元五嶽司命諸真已空閒無事將若之何呵呵  
仙道侔人道如漢廷仙臣天台昆弟三劉之夫婦馬陰  
之師徒敦序天倫樂事孰謂離羣絕俗者是道



○○奉敕命施法降魔。○○寓長安說價賣藥

真人復次葛山秦中昌利隸上湧泉真多北斗稠稷渠亭  
諸山修九真之法俄與王趙同還鶴鳴漢安壬午元宵真  
人在山睡覺忽聞鸞佩珊珊天樂隱隱香花覆地紫雲滿  
空睜目東瞻見素車一乘駕五白龍旌旗儀衛甚盛車中  
一神人容若冰玉手執五明寶扇頂負八景圓光身六丈  
餘神光照人不可正視車前一人勅曰子勿驚怖即太上  
老君也道陵禮拜老君曰今歲四月十八日會群仙於蜀  
之逍遙山石室講究大丹宗旨知子好道但功行未敷故  
未可引會吾昔為尹喜說經今命汝普度含靈近日蜀中



有六天鬼神杜暴生民深為痛憫吾當於此建立二十四  
治分命仙曹主宰世人罪福死生必經多劫能職司六天  
稽覈血食鬼神率據其所使晝夜各分人鬼有別以福生  
靈子為吾治之則功黃無量名著丹臺矣乃授以正一盟  
威秘錄三清諸品經九百三十卷符錄丹經七十二卷次  
授三五斬邪雌雄二劍都功玉印一枚魚鬣衣二儀交泰  
冠通天玉簡方裾朱履一副且曰與卿千日為期會於閼  
苑言畢冉冉昇去真人叩頭領受日味秘文按法遵行修  
百日內顧五臟外集三萬六千神又感玉女教以吐納清  
和之氣攝伏邪精行錄中三步九跡交乾履斗之道即魁



是七元隨兵所指。隱遁出沒皆得自然。時有八部鬼帥各

田劉元達

領鬼兵動億萬數。周行人間。劉元達行雜病。張元伯行瘟

田張元伯

病。趙公朗行下痢。鍾子季行瘡腫。史文業行寒瘧。范巨卿

田趙公朗

行酸瘡。姚公伯行五毒。李公仲行狂魅赤眼。有鬼城鬼市。

田鍾子季

疇毒嘯禍。暴殺萬民。在天無數。真人遵老君誥。命佩盟威。

田史文操

秘錄於癸未二年七月一日。往登青城山。置琉璃高坐。左

田范巨卿

供大道元始天尊寶號。右置三千六百諸經。立十絕靈旛。

田姚公伯

周匝法席。鳴鐘叩磬。布龍虎神兵。鬼帥聞之。率眾鬼持兵。

田李公仲

刃矢石來攻。真人舉手一指。化一大蓮花。拒之。鬼眾持火。

千餘炬來復指之。鬼反自燒。遙謂真人曰。師住峨嵋。何為



來侵奪吾苦處真人曰汝等殘害生靈奉老君之命故來  
伐汝攔之西方不毛之地元達等乃會鬼兵各千萬衆精  
刃犀甲上山圍繞真人以丹筆書空遙畫一暍衆鬼皆仆  
八帥俯首求恕以丹筆倒書之復甦真人呼曰汝等自今  
速當遠避勿復行病人間如違即當誅之無留種類鬼王  
曰降災下民本自隸我奈何盡奪願分一半真人不許叱  
出之鬼王不服次日復會六天魔王率兵百萬再來環攻  
長曰鬼甚衆不可當真人曰子勿驚怖吾能却之復以丹  
筆一畫衆鬼皆死惟六魔王仆地叩頭求生真人不顧復  
以丹筆一裁此山遂分爲二六魔欲度不能始大聲哀號



云願去西方娑羅之國。居止不敢復來生亂也。真人乃許。復倒筆再畫。八帥六魔羣鬼悉起。真人命長有一大石。為橋度之。羣鬼攝伏。真人欲降伏其心。謂之曰。試與爾各盡法力。元達等曰。惟命。真人投身大火。履青蓮而出。鬼帥投之。為火所燒。真人入木身度木。外木即隨合。鬼帥不能。真人入水身乘黃龍。鬼帥入水為水所溺。真人以身入石。入鐵皆透貫而出。鬼帥纔入石一寸。入鐵半寸。真人咒神符一道。左手指之鬼斃。右手指之復生。鬼帥亦書一符左右。指之衆若不覺。元達等化八大虎奔攫真人。化二獅子逐走化八天龍。欲來擒師。有金翅鵬飛啄龍睛。遁去復化一。



大神雙侍大樹來擊真人化作金剛身長萬丈戴大冠員  
圓弁六十二種無量相猛擊大神即退走升十二丈即墜  
真人騰空百餘丈鬼帥作雲五色昏暗天地真人化五色  
日焱光輝灼雲即流散鬼帥技窮歸營見一大石虛懸營  
上勢欲下壓鬼帥欲走不得出營乃同聲哀告請受約束  
乞生遠去真人遂命五方八部六天鬼神俱會盟於青城  
山黃帝壇下使人處陽明鬼處幽暗誓曰自今以往天地  
交日月合汝若復出吾即誅汝悉破毀其城市命六天鬼  
王歸於北酆八部鬼帥竄於西城衆鬼猶躊躇不去真人  
口勅神符一道飛上層霄頃臾風雨雷火双鋒畢至羣鬼



滅影而走自此妖厲衰息真人乃立二十四治復增置四  
治以應二十八宿正氣下通以六十甲子生人八屬各治  
每治立仙官陰官及祭酒之曹分紘之其誠敬忠孝積功  
累行者仙官錄其善其悖逆奸貪恣肆狼戾者陰官紀其  
罪由是善惡之報捷如影響蜀民感化更定三十六靖廬  
七十二福也三百六十名山品秩各置神司守真人還至  
蒼溪雲臺山謂長曰此山乃吾成功飛騰之地遂卜居焉  
潛修九還七返之功一日復聆昔日鸞佩仙樂之音真人  
整衣叩伏見老君侍衛森羅於雲中徘徊不下真人再拜  
泣曰臣夙承寶蔭親授秘文乃奉天威戰鬼行化功成退



居於此。今戰駕再至。不獲下降意者。大道離臣。臣其為屍  
敗乎。老君命使者告曰。卿之功業。合得九真上仙。吾昔使  
子入蜀。但區別人鬼。以布清淨之化。而卿殺鬼太多。又擅  
興風雨。役使鬼神。驅馳星斗。震蕩山川。陰景翳晝。殺氣穢  
空。此非大道好生之意。上帝責子之過。所以吾不欲近子  
也。且居世間。勤行修謝。日月星宿。氣候陰陽。本命使者。謝  
過之後。更修三千六百日。吾待子於八景宮中。言訖。聖駕  
遂去。真人謹依告文。與長遷鶴鳴山。謂曰。陽山有白氣。必  
妖也。當往治之。行值十二神女於山前。姿態妖艷。因告其  
由。神女答曰。土地陰靈也。真人問此地有鹹泉何在。曰。前



井神

有大湫毒龍伏處其中，真人以法召之，不出，遂書一符化  
為金翅鳳，向湫上盤旋，毒龍驚畏，捨潭而云：湫旋涸竭，真  
人插劍直下，成井，遂復鹹泉。神女各捧一玉環來獻曰：妾  
等願奉箕箒，真人受環以手撫之，十二環合為一枚，謂曰：  
吾投此環於井，能下得之者，應吾夙命如所請也。神女競  
入井中，真人掩而盟曰：永作井神，勿得復出道逢獵者，教  
以勿行殺業，授其汲鹹泉煮鹽之法。彼方之民至今不罹  
神女之害而獲鹹井之利，即其地祠廟號清河府君之祠。  
崇奉祈禱不絕。後以真人名旌其州曰陵州。真人過宋江，察江中有妖  
乃書大山篆符以石為函，錮而鎮之，妖遂絕。每水涸，人猶



見函外之文摹歸供養可屏惡邪真人復居主簿山神人  
夜獻玉璧居本竹山衆真降授靈寶經嘗率弟子歷遊蒙  
秦山渠亭山諸處重修十二年復還鶴鳴一日正午忽見  
一人朱衣青襟曳履執板一人黑幘玄衣佩劍捧一玉函  
進曰奉上清真符召真人遊間苑頌史從引紛然中有異  
龍駕紫輿玉女二人引真人登車旋踵至闕前榜云擬  
太玄都正一真人闕真人既至羣仙禮謁良久二青童又  
引羣仙來皆朱衣絳節前導曰老君至矣仰見身坐玉局  
旁有二從者年可二十許或曰此子房子淵也張良乃相  
與騰空而上至一殿前金楷玉砌或謂真人曰將朝太上



元始天尊也。真人整衣趨進，望見殿上圓光照射，移時殿上勅青童諭真人以正一盟威之法，使世世宣布爲人間天師，封真人爲太玄都正一平炁大法師，勅還人間勸度，仍密諭飛昇之期。真人受命，復返渠亭赤石崖，舍出三天正一秘法，付長昇於灊沅山中，敷演建說經臺。次還陽平山，以飛仙輕舉之法，付嗣師靈真，仍至鶴鳴山修鍊。雍夫人與子女靜居陽平，修三元點朝之道，積年累有感應。真人初得黃帝龍虎中丹，至是分與眷屬服之，皆能分形散影，坐在立亡。真人自鄱陽入嵩山，得隱書制命大法，亦付子女。能策召鬼神，時海內紛擾，真人入蜀，率身行教。夫人



盧夫人

王夫人

衣公子

五子

獨遊江表年五十方自修大道二十餘年內丹始成術用  
精妙猶以爲未足越二年復入蜀居陽平化鍊金液還丹  
依太一元君所授黃帝之法積年丹成變形飛躍道化甚  
行遠近欽奉遂於山趾化一泉使禮謁之人盥沐然後詣  
壇靖曰解穢泉山有三重以象三境其前有陽池即老君  
遊宴之所後有登真洞與青城峨嵋青衣西玄諸山洞府  
相近故爲羣化之首時長子衡娶媳盧氏次子權娶媳王  
氏長女文姬適陳州表公之子家世好道成婚最久夫人  
傳以真道後白日携五子昇天次女文光向得母道許爲  
廣陵王妃光以所封有犯父諱先於家不食數月嫁入王



廣陵王

府三日即於殿上飛去三女賢姬為燕王妃勸王修真不

燕王

從即乃飛昇四女芳芝多得道術適魏公第三子為夫故

魏公子

犯父諱於宅後昇去張綱受真人法語初舉孝廉既為議

郎以剛真目持權貴畏憚條陳梁冀無君十五事冀欲害

綱以為廣陵太守

時多冠亂

綱單車詣賊壘至誠諭之皆泣下

願降周舉巡并州時清明有龍火之禁舉遺書於介子推

廟云寒食一月老少甚不堪今則三日可也自後俗從其

建康

令甲申改元建康八月帝崩

壽三十九在太子炳即位是為

孝中

冲帝

時年二歲

梁太后臨朝明年為永嘉元年正月帝崩

在位一年詔立

永嘉

渤海王續

是為質帝

委政宰輔李固丙戌建元本初是夏梁書



質帝

使左右置毒餅中進帝而崩在位一年策免李固迎蠡吾

本初

侯志即位是為桓帝丁亥改元建和杜喬為太尉朝野倚

桓帝

望冀誣李杜時妖賊交通遠下獄死庚寅改元和平辛郊

建和

人改元嘉是冬帝感寒疾發熱不止太醫調治無効廣徵

和平

之首傳驛赴京有舉長沙太守張機深達軒岐尅期召入

九近

病經十七日機診視曰正傷寒也擬投一劑品味輒以兩

張機

計密覆得汗如雨及旦身涼留機為侍中字仲景初得陽勵

韓康

公之傳見朝政日非歎曰君疾可愈國病難醫遂掛冠遜

去隱少室山著金匱玉函諸書陽勵復來引去霸陵韓康

字伯休

少明醫道就治者甚眾康隱名姓常採藥名山賣於



謝稚堅

張北期

燕濟

郭子華

張季連

趙叔達

山世遠

陰山太白真人授我玉佩金璫經石精金光符修之住世不老與郭子華張季連趙叔達山世遠輩遊處四人訪而跪曰叔達吾等之師嘗言及道翁與東郡郭公瓊泰山張巨君隴西山公圖為友聞名久矣但未聆教尊行耳我師今在此山道翁欲會否孟欣然前行將至洞口叔達已迎門呼笑相携入洞叔達名斯東那入少耽道術遇卜算子郭子華謂曰欲入天門須修三關存朱衣正崑崙叔達請其要旨因與素書一卷是胎精中記叔達拜受修之畧得其旨復受教於邯鄲張先生挹日月之景服九雲明鏡之華遂得道其所存明鏡非世間常物也經之以天地參之



以三光。

奉勅降魔。且以殺戮過多。湏證仙班。復使重加靜鍊。始得上昇。當知殺業等於湏彌。能戒殺者。仙得過半矣。魔君肆毒津津。為惡趣。而天母不之較。自有正人降之也。正人適所以代天行事。然不失天之本意。斯為當。伯休以婦人知其名。遂深遁入山。古人之隱。不特不欲人識其面。并不欲人知其名。此之謂真隱。此以戴孟一人。引出毛劉謝張趙等。又轉入天師證位。中間帶出魏始麻姑。方平起伏照應。有烏起鵬落之妙。



亭長

使者

臺佟

刺史

長安市價不說二三十餘年。治者輒愈一女子。疑其神効。怒其守價。謂之曰。君是韓伯休耶。乃口不二價。康歎曰。吾欲避名。今區區女子皆知有我。何用藥為。遂遯入南山。博士公車徵不至。帝聞其名。以立纁。安卓聘之。康佯諾。自乘柴車。冒晨先發。亭長以韓徵君過此。方發入牛修治道橋。及見康幅巾柴車至。以為田叟。奪其駕牛。康即釋駕。有頃。使者至。知之。欲殺亭長。康曰。老子與之非奪也。亭長何罪。乃止。明日。康從中路逸去。鄴人臺佟字孝威曾為侍中。退隱武安山中。峰則穴而居。採藥魏郡。刺史執棗栗為贄。見曰。居身甚苦。如何。佟曰。幸得保終。止性存神養。和不屏營於



世不个火

世事恬泊自得不苦也如明使君綏撫牧養夕陽匪忒反

丘新

不苦耶刺史大歎而去扶風丘訢字李少有太材傲世不

郡守

與俗人為伍郡守召始見曰明府欲臣訢耶友訢耶師訢

耶尊寵極於功曹榮祿已於孝廉皆訢所不用也郡守遂

不敢屈韓康喜二人高行每與之遊至是康獨至桂陽馬

樂長治

嶺山求見蘇仙公後二百年復至長安賣藥無有識者帝聞咸武樂長治有

道徵至問其所學對曰我無他惟樂天下長治而已帝嘉

戴孟

其意授中書侍郎每自言為戴孟字成偶遊王屋山遇四

毛伯道

人問其姓氏乃毛伯道劉道恭謝稚堅張兆期也四人請

劉道恭

問出處孟曰我實武帝時為侍中本姓燕名濟字仲入華



○○趙成伯梓脯疑友 ○○○鍾離權燈引逢師

後入句曲華陽大內為保命丞初平間在王屋得此四人  
為徒今見戴孟因之河圖示之內有云吳楚多有得見太  
平者乃詔諸弟子大此語不虛此驗不久吾將避入此地  
矣設山肴數色共酌蘭漿豪談既久叔達素善飲酒酣鼓  
掌歌聲若衝飈之搏擊長林衆鳥羣鳴天際湏臾歸雲  
四集零雨其濛相聚數日孟別去不復歸朝南遊中嶽後  
得師李先生受步七元之法道德彌高叔達欲南行因改  
名晒字威伯以神丹之方傳與四徒欲踐實地行去買舟乘  
之舟人不許乃張蓋坐舟中長嘯呼風亂流而渡舟人始

趙晒字



驚服遊至東陽遇張巨君過舟叙談爲乏酒肴具供遂與  
丹子借解囊取餅便酌河水爲酒割木揖爲脯招丹子  
共享三人皆得醉飽少頃視之楫則猶是也晒擔囊就陸  
別去至長江渡頭求船不得布席於水如駕恍焉須臾登  
南岸擇居赤山其時深秋木落風勁草枯見此蕭條風景  
歎曰吾聞春色先歸江南今小春天氣一陽將回寧不能  
先時而至耶對枯樹咒之即生花藥滿山仙李碧桃白梅  
紅杏爛熳如艷陽時候附近多強人猛獸以氣禁法皆  
之禁人人不能起禁虎則伏地低頭咸如繫縛者於是  
方敬服之毛劉謝張同在玉屋三十餘年得受丹方共修



淳于  
叔通

踰年丹成伯道先服即死道恭服之亦死稚堅兆期不敢  
再服葉葉而歸未出山忽見伯道道恭各乘白鹿在山頭  
有衆仙童執節侍從二人悲慟悔謝伯道不顧而起道恭  
授服茯苓方亦去謝張聞魏伯陽有周馮二徒始因信道  
不真其後研究叅同契勵志自修終得出世謝張欲購此  
書聞青州徐從事能註其義東行訪求不值有謂與魏公  
去遊會奚二人復往南尋之伯陽歸故鄉遇同郡淳于  
叔通喜其靈慧以叅同契與觀叔道讀而贊曰其說似解  
周易實假爻象以論作丹之意公誠爲萬古丹中王也伯  
陽曰修丹與天地造化同途故託言之耳更傳以口訣往



劉道偉

邀從事相將入綠蘿山在明桃源深處作煉道成出遊路  
遇謝張魏公知其來意令叔通註五相類之義授之三人  
攜手而去謝張探得其旨發憤苦修始得度世會見毛伯  
道問以不顧之意曰此季子激餘子之術不然汝又生退  
悔二人謝服劉道恭既得道志願高大改名道偉復入嵒  
冢精修積二十年遇宛丘先生來拜求其道先生試之將  
一大石約重萬觔以一白髮繫而懸之使卧於其下道偉  
神色無異心安體悅又十二年先生復來賜服輕舉神丹  
帶昇天界謂曰凡昇天者必先謁三天大法天師然後上  
朝王帝於是同詣正一真人關天師問與宛丘同來即出



永興

相見明白引入仙班朝見上帝天師即道陵也於桓帝永

興元年自蜀還至靳春玉臺山

一名鹿堂

與王趙修煉辟瘟神

丹救此一方疫者

丹井尚作

又於平蓋山合九華大藥分飭諸

弟子真人在蜀常與鬼谷先生交遊聞先生有山洞在近

南遊餘汗訪之至仙巖上有二十四巖巖石靈竒多臆膽

凡楊禽鳥之狀真人幽實未已先生率諸徒迎邀其洞杳

晦入必以燭真人呵神燈照之周四五里可容數千人旁

有一洞洞口狹小迤邐見林木室廬儼然如村落上有蘇

秦臺張儀井諸勝真人歎美先生曰此去有座靈山非道

高德厚者不克居也真人即求引去既至但見兩石對峙



王方平

如龍騰虎踞之狀真人登山之巔探深洞得異書皆雲文  
丹篆鬼谷讀之內有云此上瀝宮福地世為張道陵所居  
鬼谷賀之曰非真人何能當此忽山腰一人步至大呼曰  
誰窺我山洞將占奪乎鬼谷笑曰藐姑何太輕人耶姑本  
居北方每來遊此其山突起厖然如象故名象山中有良  
曰清地無異平野姑愛之修煉於此有石如人坐世稱白  
石夫人祈嗣多應即  
姑之姑曰天台三子稱托生東海為王方平吾女徒麻姑  
寧蹟姑曰天台三子稱托生東海為王方平吾女徒麻姑  
遊行蓬島西回因見其意氣結為兄妹常作伴出遊經年  
不返今去已久待回時便歸舊廬數日前已有神人降言  
有真人眷屬來居左右五百里散仙不可親傍恐真人不



聚壽

王昇

李忠

時俯臨侍從人員車馬龍虎衆多傳呼驚叫各不寧靜故將捨此而去二真謝別道陵即遷眷屬東居餘汗龍虎山中諸徒散居附近真人謂我自靜物能擾我耶於乙未永壽元年正月七日五更之初長昇見一人駕雲大呼曰道陵功行已就將授秘籙言訖老君駕龍輿至命真人乘曰鶴同往蜀之成都老君降輿地湧玉局而坐謂曰子既爲保舉度師所授三百人道法惟三人係代行治真人請求老君指曰張中王昇李忠也真人即招出拜見回瞻妙義老君重演正一盟威之旨說北斗延生經南斗長生經然後昇輿回駕真人悉以經籙玄秘授三子欲顯神跡乃於



徐道季

雲母臺西北半崖間舉身躍入石壁自崖頂而出因成二  
洞今崖半曰峻仙洞崖上曰平仙洞時南陽徐道季少住  
鵠鳥山即鵠山靜悟真道數年不辭真人憐其誠往謂曰夫  
學道者當巾天清詠大歷○跣雙白○徇二○亦此五神道之秘  
事也大歷者三皇文是也道季遵修之後竟成道明年九  
月九日真人遊巴西赤城渠亭山上帝遣使者持玉冊授  
正一真人之號諭以行當飛昇真人乃以盟威都功等諸  
品秘錄及老君所授三洞經籙斬邪二劍玉冊玉印授長  
子衡戒之曰吾遇太上親傳至道此文總統三五步罡正  
一之樞要世世一子繼口道脉不得妄傳謂長昇曰吾有



張真

韓韶

荀淑

除丹可分知之當隨吾上昇亭午羣仙儀從畢至玉女引  
雍夫人與真人乘黑龍紫輿天樂擁道王趙侍於駕傍白  
曰昇天雲臺峰上在閬中一名雲代治拜跪而送者萬數真人在人  
間一百二十三歲時丙申二年秋也真人證位三天輔元  
大法天師夫人爲上真東岳夫人嗣師衛襲教居陽平山  
精修至道不與物接歲以經籙授弟子亮彰正一之道言  
約理明化及西南諸夷遠近景從是歲南匈奴左真韃叛  
帝遣張真擊破之羌夷盡降泰山琅琊賊聚衆三萬潁川  
韓韶與同郡荀淑鍾皓陳寔皆爲縣長所至以德政稱殘  
相戒不入其境時謂潁川四長丁酉三年西蕃入寇一名鳥思



鍾離

鍾離

鍾離

鍾離

鍾離

鍾離

傳名

藏即本羌屬凡百餘種散處河湟江岷間為漢之患中郎

將鍾離簡舉第權奇才神勇徵拜為大將命征吐蕃其先

雍州渭城人即咸陽父章於元初中為征北胡有功封燕臺

侯作宦雲中誕生權時白晝有一長人云是上古黃神氏

當托生於此大踏步入卧房見異光數丈若烈火侍衛皆

驚其日乃四月十五生下不聲不哭不食至第七日躍然

而起曰身遊紫府名書王清一作王京其音如鐘生得口方額

廣乳遠臂垂狀如三歲兒章愛護若罕世之珍初東園名

以為易號遊行無補於世矢志廣立功行必須受胎入俗

本真不溷為上耳乃托生於青州為王氏子六月十五日

華



王玄甫

將產時紫氣燭天光華半壁生有奇表幼慕真風取名誠字玄甫聞誕時異采道號東華子適金母往會木公號曰

東華子

白雲上真見玄甫異之曰天生謫仙人也遂引之入室授

白雲上真

老子之青符玉篆金科竊文大丹秘訣周天火候東華奉

拳服膺三年精心盡得其妙退居於崑崙之左烟霞洞順

神養浩久之結庵自居篆額曰東華觀韜光晦迹復從代

州五臺山之陽

有紫府洞天

在人間二百餘歲殊無衰老之容

東華帝君

開闢玄宗發揮妙蘊陰功濟物玄德動天天真賜號東華

紫府少陽君

帝君既號紫府少陽君所有聖蹟不能具述因見祥光發

於至近出山至燕臺侯府索兒相視歎曰特緣未至也拂



袖別去此兒自幼知識輕重。因名權及壯臉如丹塗俊目  
美髯身長八尺仕爲諫議大夫兄簡每知不及遜襲爲侯  
至是薦之爲將奉詔北征梁冀忌之發羸卒二萬權怒不  
欲行恐違君命怏怏而去纔至羌人乘夜劫營軍士盡散  
權獨騎奔山谷迷道深林有燈光透出近視之一胡僧髯  
頭拂額體掛草衣垂頭趺坐於燈下權牽馬又手告以失  
利之故僧起身攜權引行數里至一村莊指曰此少陽君  
成道處可息於此遂揖別權未敢驚動莊中屏息立俟良  
久聞人語云此必碧眼胡僧饒舌也權側目視之一老人  
披白鹿裘扶青藜杖抗聲而前曰來者非漢將鍾離權耶



黃龍誨機

贊明

覺寂道

和谷子

權應曰是老人曰汝何不寄宿山僧之所而顧衰朽權大驚知是畢人是時方脫虎狼之穴遠有鸞鶴之思即伏拜哀求度世之方老人不吝慨受以長生真訣及金丹火候青龍劍法合退去權拜受請問姓氏老人辭以再會方知及問山僧之名老人曰黃龍誨機也權告辭出門回顧莊居忽不見權念兄簡在朝恐為已得罪乃奔回雒陽潛入兄府泣訴以兵散敗回簡慰曰休矣今梁氏肆惡朝政日紊我久不欲立於亂邦棄此微祿若殘羹耳遂同權潔身避入華山三峰權以所得之道授兄泰悟自改名覺字寂道號和谷子乃束雙髻髻衣櫛葉白稱天下都散漢東遊



正陽子

雲房出

泰山遇華陽茅真人入朝東嶽伏道拜迎求其道要茅君  
扶起見載至山宴飲謂之曰子之根氣深厚非比凡流何  
愁真道難得茅君即以李真多所授太乙刀圭火符之訣  
出傳謂之曰學仙者以陽氣為生子常號為正陽及聞上  
仙王君在山因請一見即是山在老人玄甫復傳以貞元  
永命之秘於是洞曉玄玄退而雲遊至魯居鄒城年餘入  
崆峒謁見老君賜號曰雲房出丹藥食之後於紫金峰會  
見四皓始知本師是東園公誨機是夏黃公所化也四皓  
各奉以玉匣秘藏真訣雲房歸華山見兄簡所授真訣鍊  
就遂共服金丹便能昇天入地雲房常於晉州羊角山駐



華子期

是欲以道德度世。遍訪有緣。時四皓復聚一處。為憚。真  
遊行江淮之間。有淮南華子期。觀四人貌服奇。方必是神  
人。竊尾其後。直至闕地。漢興山中。東夏二公同綺里飛昇。  
天柱大王峰。往會司命魏真君。邀入玉清洞。筵宴談及各  
處風景。真君亦欲邀遊塵寰。子期乘舟里獨留山巖。奔往  
哀求其道。願拜為師。先生曰。我輩行踪無定。聚散不常。從  
往何處去。我憐汝有心來。意誠篤。授汝隱仙靈寶方。一曰  
伊洛飛龜秩。二曰伯禹正機。三曰平衡方比。皆修道之階  
梯。汝且奉之。終當度世。少頃三皓至。子期避去。先生復遊  
稿李愛東門朝市。遂留寓數年。里

舟街

三皓已自他適。子期



遂於漢興山洞依方修煉果能日以還少一日能行五百里力舉千觔一歲十二易其形十易其皮後復遇先生因茹芝歸山復服以成丹携之仙去初魏子騫別大魚姬同張湛暫遊人間商所向之處張君常於邯鄲寄足因勸魏君北遊魏君欲托體以為行樂張君曰願從至鉅鹿南山有一殷姓貴豪好善積德暮年無子行善之心愈篤魏君於是降投其家殷母有孕臨期產下一兒便開目視母去笑母怖懼以為怪欲棄而不育隣家張母亦懷孕將產夢有大冠赤幘數人守護殷家兄言司命君偶來降此汝能論彼善撫無害後日當報汝恩使汝子木羽得仙隣母至

殷公

殷母

張母

木羽



殷畚

秦女

二子

明即往殷家探視產婦告其所以殷翁夫婦即愛養如珍  
寶取名司命未幾隣母亦產一兒遂字爲木羽司命年十  
五殷翁急欲延嗣即與之婚配近處秦氏之女明年雙生  
二子一旦有車馬來迎司命登堂拜別父母曰兒閩中魏  
真君也爲翁仁厚故來假館盛蒙恩養十六年無以爲報  
特廣衍翁之嗣續耳兒去後慎勿悲念只以二小子爲顧  
可也謂秦氏曰卿有仙骨可隨歸玉清令同坐乘輿殷翁  
殷母泣涕送別司命過隣家呼木羽來爲我御木羽即張  
湛也遂俱去隣母孤窮常悲怨張君暗令鸛雀旦旦啣二  
尺魚一尾置母丸上母自此有賴日食其半留其餘以供



明日常積而賣之或易薪米度日如此五十餘年母至百

且棺葬於百花山有張明家殷氏二子司命君歸晤大魚

不三十年發至數十丁其後子孫最盛姬言梁冀謀陷忠良朝臣咸畏其荼毒姬曰子必有以報

之少為漢家洩忿攘臂而興藏鋒於密

謝張之惶惑幾乎自棄與鬼谷之儀秦伯陽之良燮事

實相類故得相遇以證道非迹者之有心也然諸子終

賴師友引歸猶念其初誠而不忍置耳

鍾祖入道深得乎梁冀之力若非兵敗逃生何能回頭

及蚤故凡遇逆境皆出世之機緣也



○見機智士甘肥遜 ○救旱龍神受大屯

萬皆春

時有相士萬皆春曾學術於金城羊公善觀氣色偶遊都門望見梁賊退朝拍手曰死期近矣左右執欲殺之皆春

延熹

請俟三日冀令拘於耳房時已亥延熹二年帝與中常侍

單超

等定議誅冀冀驚慌正食魚鮓欲放仁忽骨刺於心

骨鞭之臣

嘔血而死其妻壽諸子無措皆自殺眾集問皆春何知嘻

陳蕃

嘻不答而去詔以黃瓊為太尉尚書令陳蕃疏薦豫章徐

徐穉

穉等五處士安車玄纁徵之皆不至東海王遠字友順帝

朝舉孝廉除郎中稍加至中散大夫博學五經兼明天文圖讖河洛之要逆知天下盛衰之期九州吉凶之事見漢



黃見羣

楊秉

劉寵

劉寬

室將頽乃隱歸牧遊桓帝聞其名遣使連徵不出後使郡  
 國逼載詣京問之方平不肯答詔乃題四百餘字於宮門  
 上皆紀將來之事帝使人削之外字適去內字復見墨皆  
 深徹入木時冀雖誅權勢專屬宦官方平見時勢皆非復  
 遁去徧召不見黃瓊有女名景華幼耽仙道常密修至要  
 不願字人後師韓終得受岷山丹方修而服之常合藥以  
 益父壽至是先期屍解甲辰春瓊卒年七十九屍香透木始知  
 其在家道士也名士會葬者七千人帝以楊秉為太尉震  
 牛乙巳秉卒以劉寵為太尉是秋徵劉寬為尚書令字又  
 陰怒不形色口無疾言好行陰德嘗拯貧困有青谷先生



臨沔  
父老

張溫

永康

靈帝

建寧

者即死降於寢室言能修行九息服氣之道起鍊爐火大  
丹服之因授寬以杖代屍解之法忌寬家數日辭去入太  
華山後寬出守南陽凡吏民有過但用蒲鞭示辱而已歷  
典三郡咸稱仁君遷司徒太尉年八十餘無疾而終家  
幸竟陵過雲夢臨沔水百姓莫不觀者有老父獨耕不輟  
尚書郎張溫下道百步而問老父曰子之君勞人自縱逸  
遊無忌普為子羞之何忍欲入觀乎溫大慙丁未夏大赦  
改元永康臘月帝崩在位二十一年壽三十六帝無子迎解讀亭侯蒼  
子宏立之時年十二以明年為建寧元年竇武為大將軍  
字游平之耳孫長女扣前時為太后臨朝母初產武并產一蛇



傅祗傳 卷九  
賈武

賈太后

李膺

曹節

賈瓊英

傅禮和

傅建

投之林中母卒有大蛇逕至喪所以頭擊樞若哀泣者少  
間而去時謂賈氏之祥武與陳蕃同心以樂王室徵名賢  
李膺等共參政事中常侍曹節等詣事太后矯執陳蕃殺  
之度遼將軍張奐還京節矯制率羽林往圍武第武自殺  
其宗屬悉收誅之武妹瓊英好道出家深棲幽谷得免其  
難宦奴遷賈太后於南宮桓帝有甥女傅禮和侍中傅建  
之女北地舉家奉佛禮和常灑掃佛前勤勤祝誓心願仙  
化時服五星之精身生光華善為空同之歌歌則禽鳥集  
舞每自謂南宮謫仙及聞太后被遷願請入宮為伴因教  
太后辟穀煉氣漸自身輕如翼太后日求出世一日忽有



張儉

范滂

郭泰

申屠蟠

二靈鳥飛集於前禮和扶太右上騎自亦跨上一頃飛出

禁門往尋竇瓊英同居靜煉後皆仙去已酉二年中官上

書告張儉與同鄉諸人別相署號有八俊八顧八友等稱

共為部黨圖危社稷詔刊章往捕今之板榜李膺被考死范滂

自詣獄凡死者百餘人牽引死徙廢禁六七百人太原郭

泰聞而慟泰字叔宗少以孝聞審於臧否人物知無名中六十餘人不

為危言激論故處濁世而怨禍不及以母喪歸隱與徐穉

申屠蟠更善蟠字子龍外黃人初見滂等非許朝政歎曰戰國處

士橫議卒有坑儒焚書之禍今將復見矣乃絕迹於梁碭

間因樹為屋自同傭人二年滂果罹禍而蟠超然免於評



袁閔

論汝南袁閔因黨事築土室四周自牖納飲食。潛身十八年卒於土

朱寓

室司隸校尉朱寓。字季陵沛人與八俊之列往與李范等下獄

張桃枝

死其母張桃枝素有前知預領二孫遠棲碭山潛身修道

二孫

至是祖孫得全常令二孫往師申屠蟠託其教誨桃枝一

夏馥

日無疾坐化世以為仙去八顧中夏馥。字子恬陳留人博通今古

品行高卓曾為太常未幾隱去素好道常服米和雲母至

老不衰人問其故馥曰有赤頰子者云是秦時主魚吏數

袁玘

言鄴界災害甚驗先有汝南袁玘從之學醞釀之法。玘仕漢為

杜康

陽羨長建長橋以利因轉教延陵杜康造釀酒甘美異常

涉邑人至今祀之

杜茂才

世皆尚之康弟茂才傳兄醞法亦能造濁醪。今人誤傳為杜茅柴江陰



孔融  
孔褒

承大寺地即袁玘知漢室將亂自造佳釀日飲不與世事  
其弟九宅基常言死後當為神一夕痛飲而卒家人殮入棺忽風雨起  
遂失其棺鄉人夜聞荆溪之南山中有數千人喊聲見玘  
棺在焉奔報玘家共往視之已成大塚矣俗呼銅棺山余聞其  
異乃往迎赤須先生師之受其業先生常食松實天門冬  
石脂等物見其齒落更生髮白還黑後往吳山即穹窿山不知  
所之故得其服食之品稍有益於身耳衆始知其有道及  
鉤黨事發馥聞張儉逃匿於魯國孔融家孔子二後累融  
兄褒坐罪死乃歎曰孽自己作空污良善何以生為遂自  
剪髮變形埋名隱姓避入林慮山復入吳尋赤須傳其煉



倒出申屠  
孝行亦補  
筆之法

繡女玉

濟陰王  
子居

子居

魂要法又遇天台王五真人得黃水雲漿法此至梁碭遇  
同郡申屠蟠九歲喪父廬於墓次有白雉甘露之祥除  
服後不進酒肉十餘年里人咸稱其孝博貫五經兼明圖  
緯學無常師少有名節諫救縶氏女玉為報父讎之死步  
負濟陰王子居之喪故夏馥敬之遂以方與蟠共合服之  
為地行不老之仙已酉夏四月十立日有青蛇長二十餘  
丈見於溫德殿御座上須臾雷雨米電大風拔木至半夜  
方止東都城房屋壞者千餘間張負上言蕃武忠貞以誣  
受戮災眚之來為此帝深然之與遂乞歸酒泉辛亥雒陽  
地震海水泛溢壬子改元熹平乙卯春詔諸儒正五經文





蔡邕

馬融

喬慎

蘇章

吳蒼

字命議郎蔡邕為古文篆隸三體書之刻石立太學門外

邕素重馬融

字季長

歷守南郡為忤梁冀免官茂陵矯慎

字仲

少慕喬松導引之術隱避山谷與馬融蘇章

字儒文

史鄉里並時然二人純遠不及慎也汝南吳蒼甚重慎遺

書觀其志

蓋聞黃老之言乘虛入冥藏身遠遁亦有理國養人施

於為政至如登山絕迹神不著其證人不覩其驗吾從

先生欲其可者於意何如昔伊尹不懷道以待堯舜方

今明明四海開闢巢許無為箕山夷齊悔入首陽足下

審能騎龍弄鳳翔嬉雲間者亦非狐兔燕雀所敢謀也



馬瑤

盧植

鄭玄

元和

慎不答年七十餘竟不肯娶。遇驪姥責教曰：子居谷絕羣，以為道乎？授以真訣。後忽歸家，自言死日及期，果卒。有人又見慎於燉煌，同郡馬瑤者，久事慎，得傳隱於沂山，以鬼置為事，所居俗化，百姓美之，號馬牧先生。馬融兄事焉。融高才博學，世稱通儒。涿郡盧植從學，融語以春秋大義。高密鄭玄，字康成，蒙八世孫易理未通，入關從融，三年不得見，令高足傳授。融算渾天不合，諸弟子莫能解，聞玄有心計，召令算之一轉，便決。衆歎服，始得面授。玄辭歸，融曰：鄭生去吾道東矣。公府前後十餘辟，玄並不就。戊午，光和元年夏，侍中寺雖雞化為雄，秋青虹見於王堂殿。江夏黃母浴而化。



呂疆

爲竈人於深淵其後時出見初簪一釵猶在其首種種不  
祥帝憂懼詔問消復之道蔡邕對言蜺墮雞化皆婦人千  
政所致曹節謂邕將言當罪死中涓呂疆惜其才請徙朔

方帝聞嗣師張衡有長材知未來事詔徵爲黃門侍郎衡  
辭不就隱居陽平誓以忠孝導民君子謂其有繼宗開緒  
納俗安善之功衡初聞盧氏女貞靜告知父母娶爲妻生

三代

張魯

三子名魯衛傀一女名玉蘭女幼而潔素不茹葷血年十

張衡

七夢赤米自天而下光中金字篆文繚繞數十尺光隨

張傀

其口覺不自安遂有孕母氏責之終不言所夢唯侍婢

王蘭

知之謂曰吾不能忍耻而生死而剖腹以明志其夕無疾



而終婢白其事母不欲導。真雪其疑。忽有一物如蓮花自腹而出。開其中得余書本。際經十卷。素長一二許。幅六七寸。文明甚妙。將非人功。蘭死旬月。常有異香。乃傳寫其經而葬。百餘日後。大風雷雨。天地晦冥。墳壙自開。棺蓋飛在巨木之上。比止視之。失經及屍。空棺而已。蓋州溫江縣有女郎觀三月九日飛昇之期。鄉里常設齋祭。光緒二年正月二十三。師遍召諸人。

謂曰。將有同姓妖人。出一時邪正莫辨。汝當自持之。即以印劍付長子魯。曰。汝祖以天地為心。周行除妖孽之害民者。是以親遇聖師。建立大教。嗣吾教者。非誠敬無以立道。德非忠孝無以事君親。汝其通相傳授。世承人倫。代遵成。



張角

老  
華  
仙

訓遂率諸弟子拜曰祖師志願弘博因家立教水世為宗  
緣與道符身為法嗣承先啟後厥任為難敢不祇勤用馭  
玄化言畢與盧夫人躋陽乎山峰白日昇舉有司奏其事  
帝深歎羨時鉅鹿張角造反部下中都着黃號黃巾賊州  
縣申文告急角初學老莊入山採藥遇一老人碧眼童顏  
手執藜杖喚角至洞授書三卷名太手要術囑以代天宣  
化若萌異心必獲惡報角拜求姓名曰南華老仙也投澗  
水不見角得書攻習能呼喚風雨號太平道人熹平間疫  
毒流行角以九節杖咒符水施散療病愈者使出米五斗  
號米師衆稱為大賢良師徒五百餘分遣救病轉相誑誘



中平

嵩

朱雋

曹操

愚者競師之十餘年間徒衆數十萬於甲子中平元年角  
遂倡亂自稱天公將軍所在官步逃竄詔遣盧植皇甫嵩  
朱雋分路討之嵩遇黃巾於潁川戰敗適騎都尉曹操至  
合擊破之操字孟德沛國譙郡人父嵩實夏侯氏子繼於曹氏為恭二十四代孫少機警有  
權數舉孝廉為郎倚雋令引兵追襲操欣然去桓帝時河  
東連年大旱僧道多方祈雨不應蒲坂居民聞雷首山澤  
中有一尊龍神相傳亢旱求之極靈集衆往跪泣告老龍  
閔衆心切是夜遂興雲霧吸黃河水施降明日水深尺餘  
凡下士人民奢侈之極天必降以飢饉淫佚之極天必貽  
以疫癘一人暗肆奸謀獨遭水火一方相沿侵奪咸受刀



晉靜

蘭道遠

蘭問之

兵上帝方惡此方尚華靡暴殄天物當災旱以彰罪譴而  
老龍不秉上命擅取封水救濟過民上帝令天曹以法劍  
斬之擲頭於地以警人民蒲東解縣有僧普靜見性明心  
結廬於常平溪西聞空中雷電在白藤床上尺稱可惜晨  
出視之溪邊有一龍首即提至廬中置合缸內為誦經咒  
九日忽聞缸中有聲啟視已無一物而溪東有呱呱聲發  
自開道遠家普靜知其故拄杖過訪道遠夏直臣世居解  
梁常平村寶池里父名審字問之冲穉好道博覽羣書習  
左氏春秋見漢政衰絕意進取去所居五里許得芬場一  
片誅茅紃誦隱居訓子永壽三年卒壽六十八葬條山之



應芳

關長生

胡夫人

關平

麓道遠名穀克纘父學父卒廬墓終喪延熹元年始歸庚子三年六月十五日忽快雨如駛一黑龍現於村旋繞道遠之庭有頃不見夫人淹菜方嫁至二十四日惟一子啼聲遠達普靜索觀抱與視之監眼攢眉超頰長面遍體如巽血普靜點頭曰忠義性成神聖之質囑善撫育自此雲遊他去夫婦欲其子易養乳名壽幼從師受學取名長生及長膂力敵萬夫讀書明易象尤好春秋娶妻胡氏於光禾戊午歲五月十三日生子名平俗傳平爲繼子次年謝父母詣郡陳時事不報歸途一相士目之曰君稟乾坤正氣後當血食萬年何論名業殆神相也言畢而去追問之



郡猾

羽雲長

劉馬

劉脩

曰咸武戴成子偶遊王舍耳未成長生父母繼喪家貧無力營葬逕以斷井作窆而葬焉每念及之涕泗交下逢時祭祀誠敬如在後自名羽字雲長以寓遠舉之意身長九尺五寸鬚長一尺八寸面如鰐鰓唇若抹硃丹鳳眼臥鰲眉因止旅店間隣人哭甚哀叩之乃貧者遭郡猾豪霸倚勢欺侮羽不平耻裂鬚墜命其指猾處白晝提刀殺之有司迫求之潛引去胡夫人抱平匿母家得免羽避難江湖轉徙三載時黃巾四起乙丑春幽州太守劉馬招募義勇羽往投至涿郡於村店遇一人垂手下膝顧耳見其耳問姓氏劉脩也

字

中山靖王勝之後勝子貞封鹿城亭侯



劉貞

遂家於涿縣宣哲維人克昌厥後

五處士高隱林泉不就徵聘不妄交遊黨禍不及可謂  
潔身避亂者矣。若方平爲郡國逼載京師題字而去其  
姪非不能拒也。特以神仙遊戲行止自如故不妨來而  
復去。

諸名士非訐朝政互相標榜無補時事徒耳喪身較諸  
申屠蟠夏馥瞠乎後矣。

關夫子未出世時。即爲救人被難。具此慈心焉得不超  
凡入聖。



劉雄

劉弘

李定

劉德然

孫瓚

張飛

○○○降吳郡邀度蔡經

○○○會青城議延漢祚

劉備祖雄父弘曾舉孝廉為郡吏備幼孤事母至孝家貧

販屨織席為養所居樓桑村舍東北角一桑高五丈文章

如蓋相者李定曰此家必出貴人備與羣兄戲於樹下曰

我為天子當乘此羽葆車蓋年十五母使行學與同年劉

德然遼西公孫瓚師事盧植中平二年涿郡招軍備因看

榜得遇張飛字翼德豹頭環眼燕頤虎鬚頗有莊田屠沽為

業即邀至村中復遇關羽開張見備有大志遂委質焉於

桃園祭告天地結生死交徃見劉焉焉令禦敵破之青州

告急備願往賊眾驚潰備聞盧植取回問罪遣中郎將董



卓

趙弘

孫堅

孫鍾

三皓

卓來代遂北投朱雋皇甫嵩與曹操追捕張角已死操除  
 濟南相詔朱雋討餘黨趙弘於南陽吳郡孫堅字文臺武  
子之後  
 其父鍾居富春種瓜為業三道人造門白稱三皓乞瓜解  
 渴鍾即摘進之食畢曰承子殷勤當示葬地以報招鍾至  
 桐溪烏石山指畫點量曰隨我下山百步吉穴也但勿反  
 顧鍾從行不六十步後有簌簌聲向視之失道人所在惟  
 三白鶴冲飛認其處歸遷母柩葬此遂生子堅堅母將產  
 之夕夢腸繞吳昌門憂問隣母隣曰安知非吉徵也堅潤  
 面熊腰黃巾起聚鄉勇及淮泗精兵討賊至宛朱雋令與  
 脩攻城堅先登刺死趙弘雋表堅除別郡司馬脩授安喜



陳耽

縣尉。僞謂關張曰。少遇一道者。云得龍鳳羽翼。可升騰變。化未幾。飛鞭督郵。僞掛印綬。回涿。公孫瓚表僞前功。守平原。縣令丁郊。四年前太丘長陳寔。卒海內。赴弔者三萬餘人。故太尉陳耽。流涕終日。耽聞宦官專權。將挺身往諫。拜辭。平日供奉之師。即同郡王方平。方平於桓帝時。題字宮門。復歸東海。無復子孫。鄉里耽知其有道。為架道室。旦夕禮敬不懈。耽家三十餘年。絕無疾病。死喪僕婢。皆安蠶畜。繁息。耽欲入朝。方平語曰。吾期運亦當去。明日日中先發。耽驚叩不答。至明午。方平忽死。耽悲啼歎息曰。先生捨去。我將何怙具。棺器焚香。就床。上衣裝未敢殯殮。三日失屍。



蔡經

所在衣帶不解去後百餘日躄不復入諫亦無病而卒方

平東過吳郡胥門

胥盤之交有仙人塘即王麻降蔡處廟貌存焉

見小民蔡經者

相當仙降其家曰生命應度世故來取汝補一官僚然少

不知道氣少肉多未能即上天去當作尸解如從狗竇中

過耳告以要言乃去經忽身熱如火欲得水灌灌之如沃

焦然三晝夜消耗骨立入室以被自覆衆視被中唯頭足

反毛具如蟬蛻後十三日還家語曰七月七日王君當來

可多作飲食以供從官至期經家借甕器作食飲百餘斛

羅列庭中少頃果聞金鼓簫管人馬聲比近皆驚反至經

舍方乎著遠遊之冠朱衣虎頭鞶囊五色綬帶劍面黃色



○鼓吹

田從宮

二經父

二經母

二經兄

二經弟

小髯長短適中，乘羽蓋之車，駕五龍，龍各異色，前後麾節，旛旗導從，威儀奕奕如大將軍。鼓吹皆乘麟，懸集於庭，從官皆長丈餘，既至，隱去。方平獨坐，經引父母兄弟見方平，遣人問麻姑云：「方平數報久不遊民間，今來此，姑能暫來語否？」有頃，使還，聞空中答云：「麻姑再拜，不相見，倏四十年餘，尊卑有序，修敬無階，知駕在，適當躬到，而先被詔，按行蓬萊，欲暫往，便還，親覲願未，即去耳。」兩時間麻姑至，亦先聞人馬之聲，從官半於方平經家都見，是好女子，年可十八九許，預中作髻，餘髮垂至腰，衣有文章，而非錦綺，光綵耀目，入拜，方平為起立，坐定，各進行廚，皆金盤玉杯，香氣



弟婦

經家人

達於內外。擘脯而食。云是麟脯。姑云。接待以來。見東海三  
爲桑田。向到蓬萊。水又淺於往日。畧半。豈將還爲陵陸乎。  
方平歎曰。聖人皆言海中行復揚塵也。姑欲見經母及婦  
等。經弟婦新產數日。姑望見知之。曰。噫。且止。勿前。索少許  
米。擲之地。謂以去穢。視米皆成丹砂。方平笑曰。姑猶作少  
年戲耶。語經家人曰。欲賜汝輩酒。出諸天府。味醇醲。非俗  
人宜飲。飲之爛腸。當以水和之。汝輩勿怪也。乃以水一斗。  
合酒一升。攪之以賜人。飲升許。輒醉。姑手爪似鳥。經念背  
大痒時。得此抓之。當佳。方平已知。即使人引鞭之。曰。麻姑  
神人也。汝謂其爪可抓背耶。但見鞭着經背。亦不見有。



陳尉

鞭者復語經曰吾鞭不可去得也。宴畢姑乘雲先去。比舍有陳尉者聞經家有神人請門叩頭求見。方平引前與語。陳願得隨從驅使。比於蔡經方平曰君且起向日立。方平從後視之曰噫君心邪不如經之正不可教以仙道也。當授地上之職耳。以一符并一傳著小箱中與陳言此可以攘災治病凡病者命未終及無罪過者皆可以符活之。若有邪鬼而食作禍祟者君便帶此符以勅社吏當收送其鬼隨輕重治之可也。陳後以此符攘治有效。事之者數百家。壽至一百十歲而歿。方平引經回括蒼山洞建一宅與居之曰隱真宮。餘杭有老嫗少嫁於西湖農家善採百花

餘杭  
老母



農來

釀酒方平常與經以千錢沽酒飲而甘美其後拉羣仙降  
飲其家因授藥一丸以償酒價姥服之化去後十餘年有  
人過洞庭湖邊身賣百花酒者即姥也方平挈經遊巴嶽  
上有崑崙洞奇花滿徑路過一山自上及下對劈兩開直  
若繩引經異之問其故方平曰漢高時分地境巴與蜀爭  
界久而不決上帝呼袁公布一朝密霧命巨靈神以開山  
大斧劈斷山脉石為之裂巴蜀州郡始判又行至一處觀  
其林木幽深夾徑有翠栢十數株乃千年之物麋鹿出沒  
林間頗與遊人相狎方平喜之欲為別館召吏兵數千一  
夜造成官府號紫府真仙之居山曰平都

後為伊周子輔  
漢來攻巴蜀列



時輪會

乎惡聞金戈鐵馬復歸東南居  
羅浮深處平都山上有仙都觀先是光初年南宮赤精  
大仙與大乙真皇大合西南仙衆於青城山爲去蟠桃會  
已久後晤未及作彌輪小會爲羣仙益壽時峨眉赤宮南  
嶽九疑青溪渣呀諸山洞幽真畢集其荒巖窮谷中孤真  
獨隱來赴者不計其數玄女帝諸徒偶來遊蜀聞此良會  
亦來赴之此會非有鐘鼓管絃宰烹肴核但見

爐焚栢子瓶插琪花松濤山籟何殊戛玉敲金野果園  
蔬不羨剡龍炮鳳盤堆芝餌如餐五色之霞磽貯靈泉  
似吸九霄之露桂丸棗脯製度精工菊實蘭膏生成美  
品人參果等閒空見衲相精于歲方嘗石髓青泥尚云



土產玄霜絳霄信自天來胡麻作飯果然齒頰俱香玉  
屑爲羹可也心胸皆爽

衆仙真隨意咀嚼劇談玄妙間言當世之務有幾位於壬  
午歲夏初在逍遙山石室聽老君開講會過座中有衣紅  
紫二人從未識面因問姓氏甯封曰衣紫是巴戎赤斧孝  
宣時爲此地碧雞祠主簿能作水瀕煉丹與硝石服之三  
十年顏色反少毛髮皆赤後數十年上華山取禹餘糧作  
餌更賣之於蒼梧滇江間皆呼爲赤道士復遇我九世孫  
子柱即紅衣者也我因其不肯棄之忽乃立心向道大海  
前非與道士共上宕山聞其間有丹砂可就山爲煉而宕



章君明

蜀漢之與  
在赤精一  
數

之長吏預知上山封記不許採取其砂每夜流出飛射如火桂乃取得煉三年成神砂飛雪服之五年能飛行變化其邑令章君明亦好道至山相探餌以神砂尚未能解職精修赤桂却來峨眉尋我留居數年前蘇仙公爲已功行未敷辭皇人下山向杳無踪皇人付王函於二人令尋歸證道因此會罕遇故挈共赴過此即往也正言間赤精上仙忽發長歎羣仙齊聲啟問大仙曰漢高除秦滅楚王咸陽二百年王莽弑篡幾絕光武中興不二百年又將崩裂宦官內亂魔業外生深爲可憫嘗推漢家運氣其數猶未遽絕焉得扶餘焰之劉拯生民之困者也李八百拊掌笑



字古

曰我輩綿歲月配天地何關於世事復爲塵俗之感乎赤  
精正色曰李仙是何言歟世代變遷固爲無與蒼生禍患  
坐觀弗援慈悲安在哉八百自悔失言惶恐不已太乙之  
衆門人聞欲得人輔世有躍然興起之意赤精曰汝等雖  
智有餘忠貞未煉必得伊尹周公之賢聖方當此任玄女  
目視伊周子低頭不語赤精指之曰世稱任聖此行非子  
不可玄女曰漢家薄待功臣宜遭權臣奸竊大仙旣憫下  
民厄難欲施濟拔須大威力者方可伊周久處巖谷復往  
塵寰第恐昧却前因故爾趑趄當委曲教警覺也鬼谷曰  
東園公前過山齋言東南王氣復興鄰人憤子論中原將



歲尉僚即抱琴長往寓襄陽司馬氏惟飲品題當世英豪  
沉機覓變予初憐孫龐蘇張心性聰明招其遊魂養靜無  
奈喜於塵俗奔走季子託足賴上荀家爲前不魯輔周誓  
作王佐只恐不能識透被奸陽籠絡牘謂江東孫氏當與  
宗親之誼欲往周旋此子根行稍深俟可脫手時即當召  
回顧張龐曰身在神馳亦將入角逐之場矣二子微笑謂  
心術不正自當屏棄先生爲魯北面不忍視其沉淪乃加  
痛懲令守山復桃園涓深自悔滌故帶至會所使廣見聞  
時有幾位仙衆皆欲乘時一往稟過師長許其下山度世  
衆真談論竟日向赤精太乙謝別各向山洞候涓於路拜



辭曰。孫蘇去久。欲探其行止。先生笑曰。際此鼎立之秋。非但君擇臣。亦宜擇君。而事須慎之。於初復。謂涓曰。今勿貪功刻忌。再蹈桂陵之轍。先生飄然獨回。涓至襄陽。見龐家世善。且又同姓。遂投其家。為子儀。奔潁川。覓秦適。遇徐母有娠。乃奪舍而產。玄女問中條。招伊周至前。曰。炎漢初興。五龍變現。方今四方雲擾。五帝分爭。頃見會上諸徒。皆欲攀龍拾紫。吾子臨世。孤立無助。當令風后教子陣圖。更修書武。當太和。與君授子奇術。可縱橫播弄矣。伊周拜謝。玄女起坐紫雲車。將昇天去。俯看謂曰。子功成時。步上五丈原。乘九秋風。可會我於層霄也。言畢。雲擁而去。中條諸子。



邀尹周作宴餞行初蘇仙公下峨眉仍至桂陽投胎瞿及  
爲兒名武丁生而酷好道術七歲即絕粒惟服黃精養平  
五年年十三便身長七尺爲縣小吏光和三年春使至京  
還過長沙郡投郵舍不及宿於城外樹丁忽聞上有人曰  
明日向長沙市賣藥去乎且武丁舉頭視之乃二白鶴棲  
止及明抖翅飛去武丁異之遂入城尋覓見二人共罩白  
傘身掛藥囊藥瓢而行武丁恭身邀入肆中設食二人不  
辭食訖便去曾不顧謝武丁又隨行數里始顧曰子有何  
求而隨余不止武丁曰二君有濟生之術是以侍從耳二  
人相向而笑遂出玉函看素書上果有武丁姓名乃與藥



龍牀道士

二九令服之語曰君有夙根當歸尋龍牀道士便還本來也。二人別去。武丁自此明照萬物。獸鳴鳥語。悉能解之。自

仙公

號成仙公。到家後。縣令復使送餉於府。府君周昕有知人

周昕

之明。乃留仙公署為文學主簿。嘗與眾共坐。有羣雀噪於

得公治長

庭。仙公聞之而笑。眾問其故。答曰。東市翻朱羣雀相呼往

之聰

食耳。遣人視之。果然。沈文泰先與萬王同居。為去中嶽採

菖蒲。寓少室北麓。作三處座床。可以棲庇。風雨宅形念真。

號為龍牀道士。因夜謁武帝。致玉真金中。教服菖蒲。亦得

魯妙典

仙去。後仍回九疑。有女冠魯妙典生。即敏慧高潔。不食葷

血。十餘歲。忽謂母曰。旦夕聞食物臭濁。願求不食。舉家憐



之年二十居家不嫁恒怏怏有出世想時麓休過之知是  
道器乃授以大洞黃庭等經謂曰黃庭經扶桑大帝君宮  
中金書誦詠萬遍者得爲神仙但在堅心不倦耳經云詠  
之萬遍昇三天千災已消百病痊不憚虎狼之凶殘亦已  
却老年永延居山獨處詠之一遍如與十人爲侶輒無怖  
畏何者此經召身中諸神澄正神氣神氣正則外邪不能  
干諸神集則怖畏不能及若形全神集氣正心清則徹見  
千里之外纖毫無隱矣所患不知知而不修修而不精精  
而不久中道而喪自棄前功不惟有玄科之責亦將流蕩  
生死苦報無窮也進則聖賢墮爲螻蟻




蔡經心正方平所以度之陳尉心不正即不得度聖人之欲修其身先正其心心若不正人道猶未全何暇言仙道乎。

緱嶺之笙鵲橋之駕宴漢武降蔡經而何皆以七夕爲期此非徒詠成火七返之義鼎鑪數不云二七聚乎。知道者當熟審之。

彌輪一會已分鼎足之局三國英才皆於此節論定真是乾坤橐籥。







之欲修其身先正其心心若不正人道猶未全何暇言  
仙道乎

猴猿之笙鵲橋之駕漢武降蔡經而何皆以七夕爲  
期此非徒說成人七返之義鼎鑪歌不云二七聚靈知  
道者當熟審之

彌輪一會已分鼎足之局三國英才皆於此節論定真  
是乾坤稟篇